

B. I. 4...

B. I. 4

EPB/B

54398/B



~~524.10~~

2239.2

~~B160~~

~~B160~~

Symes
9/09

B160 22392

IO. ERN. IMMAN. WALCHII

CONSIL. AVL. SAXO-VIN. ET ISENAC.

ELOQVENT. ET POES. P. P. O.

ANTIQUITATES
MEDICAE
SELECTAE



J E N A E

SVMTIBVS VIDVAE CROEKERIANAE

MDCCLXXII

JOHN W. ...
...
...

ANTIQUARIAN
MEDICAL
SPECIALTIES

...

J. E. ...
...
...

V I R O
PERILLVSTRI ATQVE
EXCELLENTISSIMO
R O G E R I O
L.B. DE RVTERSHAVSEN

S. CAES. ET REG. APOST. MAIESTATI A CON-
SILIIS PROVINCIAE, IVSTITIAE ET
COMMERCIORVM

FAVTORI SVO
AESTVMATISSIMO

HAS ANTIQVITATES

SACRAS ESSE VVLT

IO. ERN. IMMAN. WALCHIVS



VIR PERILLVSTRIS

ATQVE

EXCELLENTISSIME,

FAVOR SVMMOPERE

COLENDE,

Ex quo ad TVAM beneuo-
lentiam aditum mihi pate-
fecisti, non impense solum TE
amare, sed ob multas quoque exi-
mias, quibus praeditus es, vir-
tutes, suspicere coepi ac venerari.

Naſtus enim in TE ſum non mo-
do eximium fautorem, qui per-
multis humanitatis officiis me ſibi
reddidit deuinctiſſimum, ſed et-
iam virum in TE cognoui littera-
rum amantiſſimum, in omnibus
liberalium artium diſciplinis ap-
prime verſatum, in primis rerum
naturalium doctiſſimum ſcrutato-
rem, qui ad magnas ſuas laudes
etiam hanc adiungit, quod illas
naturae, ſeu potius liberalium in-
geniorum delicias magnis ſumpti-
bus colligit, iisque cum perilluſtri
nomini ſuo, tum Lincio, vbi degit,
immo Aſtriae vniuerſae perma-
gnum decus et ornamentum con-
ciliat. Quod quidem meritum

tan-

tanto profecto illustrius et TIBI,
VIR PERILLVSTRIS, honorifi-
centius est, quo maiorem eius-
modi studia, quae TV tanta cum
laude prouehis, reipublicae adfe-
runt ytilitatem.

Ne vero meo, quod in TE
colendo mihi constitui, officio
vel vlla in re defuisse videar et vt
vel aliquod summae meae in TE
obseruantiae habeas documen-
tum, consecro TIBI hunc libel-
lum eumque publicum mei TIBI
addictissimi animi interpretem
esse volo. Rogo TE simul et
precor, vt benigne eum excipias,
gratiae me TVAE commenda-

tum habeas hocque de me TIBI
persuadeas, me nullo non tem-
pore in eo esse elaboraturum, vt,
qui in TE sim, hoc est, sincerum
et strenuum praestantissimarum
TVARVM virtutum TVORVM-
que in rempublicam et litteras me-
ritorum cultorem in dies magis ex-
periaris. Ienae d. xxviii. Aprilis
CICIDCCCLXXII.

PRAE-




PRAEFATIO



Opusculum hoc nonnullas, maximam partem breves, commentationes complexu suo tenet, quae separatim antea a me in lucem publicam editae fuerant. Primum in his locum dedi explicationi sigillorum, quibus veteres medici ocularii vfi sunt, et quorum nonnulla benigniori fortuna ad nostram usque aetatem sunt seruata. Cuius argumenti excutiendi occasionem vnum eorum mihi dedit, in agro nostro repertum,


quod sine dubio a quodam antiquitatis amatore, ad has oras ex Italia forte aut Gallia delatum, amissum deinde, casu et fortuna eo deuenit, vbi postmodum fuerat repertum. Huius sigilli illustrationem breui commentiuncula dederam, cuius exemplaria quum haud diu post diuendita et distracta essent omnia, suasu et hortatu amicorum plenior huius argumenti disquisitionem edidi, qua et de reliquis huius generis sigillis sum commentatus, additis simul, vt ipsi rei maior inde lux accenderetur, medicorum oculariorum inscriptionibus. Breui post haud absimile sigillum, in Gallia repertum, in illustrissimi comitis DE CAYLVVS manus venit, quod, quum, morte praeuentus, intactum reliquisset, doctissimus SEGVIERIVS, litterati Nemausi verum decus et ornamentum, eius ἀπογραφήν ad me misit vtque huius sigilli illustrationem susciperem, me rogauit. Quae itidem
 sepa-



Reliquas commentationes scripsi, quum pro munere, quo fungor, legibus auspiciis regiminis academici boni ominis causa aliqua a me praefanda essent. Quod quum bis quotannis more consueto in hac academia fieri solet, ex multis eas tantummodo selegi, quae, uti sigilla ista, ad antiquitates medicas iure quodam suo spectare videntur. In harum una locum Alfeni Vari explicare adgressus sum, quo non medicos aegrotis, sed aegrotos medicis imperare ait. Altera Asclepiadas veteres ab obliuione vindicat, horum historiam tradit, et quae huius nominis ratio olim fuerit, ostendit. Tertia ad materiam, ut vulgo dici solet, veterum medicam pertinet, deque frequenti lapidum in Graecorum Romanorum-



*Sigillum
medici ocularii romani.*



ex museo J. E. J. Walchii.

fec. G. C. B. Heller, Fenne.


I.

SIGILLVM


MEDICI OCVLARII

ROMANI


IN AGRO IENENSI REPERTVM





 **REP**ERTVM est haud ita pridem in agro ienenſi antiquum romanum monimentum, ſi magnitudinem ſpectamus, paruum aut mediocre, ſi vtilitatem, ſic comparatum, vt omni attentione dignum, antiquitatis certe amatoribus periucundum eſſe videatur. Lapis eſt quadratus viridis coloris, minus tamen perlucidus, ſed vt ſolent eſſe, qui ad iaſpidum vulgo genus referuntur. Laterum ſpatium vtrimque ſimile eſt, duorumque pollicum latitudinem vix excedit. Craſſitudo non magna, ſed modica, ſuperficies polita et laeuigata, vſu tamen et iniuria, vt videtur, temporis paullisper detrita. In medio lapide foramen eſt, arte et ſtudio, quod omnes rationes oſtendunt, factum, vel vt filo ſuſpenderetur ab iis, quibus id lapidum genus in vſu olim fuit et conſuetudine, vel alias forte ob rationes, aeuo noſtro, propter veterum ea de re ſilentium, incognitas.

A 3



gnitas. Iam vero, quod caput rei est, lapidis huius quatuor latera inscripta sunt, incisís litteris romanis, ductu inuerso, a dextra ad sinistram, sic, vt istae, cerae impressae, rectae demum et more consue- to, a sinistra ad dextram, adpareant. Quoduis latus singularem refert *ἐπιγραφήν* litteris propter spatii angustiam coarctatis et duobus *στίχοις* expressam. In altero la- pidis latere incisae visuntur litterae:

P R N I M D I A P S O R
O P O B A L S A D C L A R

In altero:

P R N M D I A S M R N
P O S T M P E L I P E X O V

In tertio:

P H R O N I M E V O D E S
A D A S P R I T . E T . C I K

In quarto denique:

P R^e NIMIPENICIL
ADOMNEMLIPPIT

CVIVS lapidis verba quid significarent, quaeue iisdem subiecta, esset sententia, quum quaererent multi, et, quid nobis ea de re videretur, sciscitarentur curiosius, aliis alia ex hoc viridi lapillo quasi diuinantibus, haud ingratam nos rem earum rerum amatoribus facturos, arbitrati sumus, si vera horum verborum enodatio publice a nobis proponeretur.

QVA quidem in re hoc inprimis tenendum est, monumentorum huius generis, cuius nostrum esse diximus, haud admodum multa ad hanc aetatem peruenisse. Duos eiusmodi lapides in lucem publicam protulit in Batauia IOANNES SMETIVS *a*), quos in miscellanea eruditae antiquitatis postea transtulit eruditissimus Gallus, IACOBVS SPONIVS *b*), addito ex PEIRESCII schedis tertio, eiusdem fere formae, cuius illi sunt, quos SMETIVS cum

A 4

a) antiquitatibus Nouiomagensibus p. 98. 99.

b) miscell. eruditae antiquitatis p. 237.

cum doctis viris ad explorandam eorum hac de re sententiam antea communicauerat. Ac is quidem SMETIVS, qui lapidorum horum vsus olim fuerit, quaeue eorum verbis subiecta sit sententia, plane se ignorare, ingenue fatetur. SPONIUS autem, ingenio felicior, coniecturas nonnullas de iisdem fecit, quae etsi non omnes veri speciem prae se ferunt, hoc tamen Gallus iste laudis habet, quod is primus viam monstrauit, vnde ad veram horum lapidum interpretationem eorundemque olim vsus cognoscendum peruenire queamus. SPONIUM sequutus est Anglus doctissimus, EDMUNDVS CHISHULL *c*), Anglum celeberrimi in Italia duumviri, illustrissimus marchio, SCIPIO MAFFEI *d*), et LVDOVICVS ANTONIVS MVRATORIUS *e*), quorum studio et opera factum est, vt post tres illos lapides, a SMETIO et SPONIO editos, sex noui eiusdem generis ex tenebris, quibus submersi per tot secula iacuere, ad pristinam lucem redirent, VNUS EDMUNDI CHISHULLI, alter et tertius MAFFEI, reliqui

MVRA-

c) singulari *dissertatione*, p. 81. et *musaeo Veronensi* quae exstat in *thesauro Britannico* HAYMII. p. CXXXV.

e) *nouo thes. inscript.* p. *d*) *Galliae antiquitatibus*, MDVIII.

MVRATORII f) cura et beneficio, quorum hic inscriptionum veterum thesaurum, ille cum suas Galliae antiquitates, tum museum Veronense, iste **HAYMII** thesaurum Britannicum egregiis his antiquitatis monumentis ornare atque illustrare studuit. Successit deinde **BERALDVS**, qui ephemeridibus anglicanis (*gentleman's magazin*) commentationem inseruit, inque ista incognitum adhuc eiusdem generis sigillum medici ocularii, **L. CINTIVSMINIBLANDI**, proposuit. Beraldum tandem excepit illustrissimus comes **DE CAYLVS**, cuius *collectionem antiquitatum* eiusque tomum primum inedita aliquot horum medicorum oculariorum sigilla ornant, quibus simul alia, a **SMETIO**, **SPONIO** aliisque in lucem extracta, adiunxit. Ac his quidem comitem quasi et socium se adiungit nouus huius generis lapis, ad nostram urbem in arena, quam fluuius aduehit, casu et fortuito repertus. A reliquis, iam editis, quoad inscriptiones reputamus, plane est diuersus, sic tamen comparatus, vt, quantum noster ab illis lucis mutuari, tantum

A 5

certe

f) apud **MVRATORIVM** primum ab ipso editi, quartus vero idem est, quem *locomemorato* quatuor huius generis lapides proferuntur, ex quibus tres ante lucem non viderant, *ill. marchio MAFFEI dedit antiquitatibus Galliae, pag. 81.*

certe iisdem vicissim reddere et alter alterum mirifice illustrare videatur.

DE inscriptionibus lapidis nostri primum dicemus. Quae si inter se, tum cum aliis horum lapillorum conferuntur, tria in vnaquaque contineri, facile adparebit, primum nomen medici, deinde medicamentum, ab ipso compositum, denique medicamenti huius virtutes, siue ad quod morbi genus istud sit adhibendum. Quum vero cuncta, tam quae in nostro, quam aliis istiusmodi lapillis nominantur, morborum genera, ut quilibet videt, ea sunt, quibus oculus humanus obnoxius esse soleat, facile ad coniecturam hanc ducimur, fuisse hunc lapillum olim medici ocularii, medicamenta vero, quae is praeparauerit, et quorum virtute morbis oculorum mederi voluerit, eosque, vitio quodam laborantes, ad pristinam reuocare sanitatem. Quam multa vero hic dicenda forent, si paullo altius rem ipsam repetere et medicorum oculariorum apud veteres rationem ostendere, in praesenti nobis animus esset: si scriptionis huius limites permitterent, ut singulis fere morbis singulares olim fuisse medicos, ostenderemus, ocularios praeter ceteris in honore et pretio fuisse, causam vero eius rei cum ab eo repetendam esse, quod

quod in sananda praestantissima totius corporis humani parte ars eorum versata fuerit, tum propter morborum vitiorumque multitudinem, quibus oculi nostri tentari vexarique soleant. Neque vero non monstrari simul posset, saepissime idcirco huius medicorum generis in antiquis monumentis factam esse mentionem, viderique istud, teste HERODOTO g), ab Aegyptiis ad Graecos, a Graecis ad Romanos peruenisse: ex horum inscriptionibus haud paruum medicorum horum colligi posse numerum, vocatos eosdem fuisse modo *ocularios* h), modo *oculares* i), modo *medicos ab oculis* k); non confundendos tamen eos esse cum *unguentariis*, *myrobrechariis* et *oculariariis* veterum l) et quae alia

A 5

sunt

g) *Euterpe*, cap. LXXXIII.
 h) videatur GRVTERVS p. 10CXXXIII. 2. 10LXXXI. 8. GVDIVS *inscr.* CCLI. 12. MAFFEI *mus. Veron.* pag. 138. 2. REINESIVS *inscr.* p. 611. FABRETTVS *inscr. domest.* p. 300. MALVASIA *marmoribus Felsin.* p. 219. MVRATORIUS p. 10CCCEVIII. I. 10CCCC. 4.

i) Quo pertinet lapis: T. I. IVL. AVGVSTAE. L. CVTISORVS, M. E.

DICVS. OCVLARIS. HIC. SITVS. EST. apud MVRATORIUM p. DCCCCXXVII. 5.

k) Apud GRVTERVM enim p. 10LXXX. 2. p. ATTIVS ATIMETVS VOCATUR AVG. MEDICVS AB OCVLIS, et in alio lapide p. 10CXXXV. 3. SILICIVS MEDICVS AB OCVLIS.

l) unguentariorum mentio fit apud GRVTERVM p. 10C



sunt huius generis, ad argumentum nostrum illustrandum apprime facientia.

NE vero haec omnia, maxime, quae ad illustrationem cum ipsius argumenti, tum lapidis nostri, aliquid faciunt, plane intacta reliquisse videamur, nonnulla ex his,

p. 100XXXV. 8. 9. REI-
NESIVM *class.* XI. *num.*
117. p. 648. SPONIVM
miscell. erud. antiquit. p.
236. et MVRATORIVM
thes. nou. inscr. p. DCCV. 2.
100000XXXVIII. 2.
100000CLI. 6. 100000
LXXVIII. 1. 100000
LXXXVII. 12. Sic vero
vocabantur non solum ii,
qui olea composita tam ad
suffitum et gratum odo-
rem, quam ad morbos sa-
nandos vendiderunt, sed
etiam qui id genus vn-
guentorum in balneo lo-
tis ministrarunt. Conf.
SPONIVS *loc. memorato.*
Quos latini *unguentarios*,
hos graeci *myrobrecharios*
dixerunt, de quibus REI-
NESIVS videatur *not. ad*
inscriptiones p. 636. et SPO-
NIVS *miscell.* p. 225. Qui
oculariarii fuerint apud ve-
teres, non satis liquet. In

marmore enim REINE-
SIANO p. 632. L. PATRO-
CLVS dicitur FABER
OCVLARIARIVS et apud
GVDIVM p. CCXXIII.
10. C. VENVLEIVS
ARISTOCLES OCULA-
RIARIVS DE VICO
CORNELII. REINESIVS
loco memorato putat, sic
vocatum esse eum, qui vi-
tra vel muniendis contra ae-
ris iniurias oculis, vel obie-
ctis maiore forma repraesen-
tandis et apprehendendis in-
seruientia, praeparauerit.
Nostra vero sententia ocu-
lariarii dicebantur, qui sta-
tuis marmoreis oculos in-
fixere, ex metallo factos.
Cuius artificii memoriam
nobis conseruat inscriptio
SPONIANA p. 292. qua
M. RAPILIVS SERAPIO
dicitur OCULOS STA-
TVIS REPOSVISSE.


his, quae summatim indicauimus, proferre in praesenti visum est, ut oculariorum inprimis medicorum apud veteres status et conditio tanto melius cognoscatur. Singulares morbos singulares olim medicos habuisse apud veteres, nominatim Aegyptios, HERODOTVS m) haud obscure declarat. Ἡ δὲ, inquit, ἰητρικὴ καὶ αὐτὰρ σφί δέδασται. μίης νόσος ἕκαστος ἰητρός ἐστι, καὶ ὁ πλεόνων. πάντα δ' ἰητρῶν ἐστὶ πλέα. οἱ μὲν γὰρ ὀφθαλμῶν ἰητροὶ κατεστάσι, οἱ δὲ κεφαλῆς, οἱ δὲ ὀδόντων, οἱ δὲ τῶν καὶ αὐτὰ νηδύν, οἱ δὲ τῶν ἀφανέων νόσων, *medicina apud eos hunc in modum est distributa, ut singulorum morborum sint medici, non plurium. Itaque omnia referta sunt medicis. Alii enim sunt oculorum, alii capitis, alii dentium, alii alui partium, alii morborum occultorum.* Consuetudo haec ab Aegyptiis ad Graecos videtur transiisse, a quibus eam accepere Romani. Praeterea enim, quod dentarios, auricularios, ocularios, clinicos aliosque huius generis medicos habuerunt, ut recte cel. WESSELINGIUS n) obseruat, mentio quoque facta est *medicae a mammis* in lapide apud GVDIVM: o)

TO-

m) *Euterpe* cap. *dicis oculariis* vol. III. LXXXIII. p. 120. edit. *actorum soc. lat. Ienensis*, GRONOVII. p. 48.

n) *obs.* de *veterum me-*

o) p. CCXXIII. 6.



TORELLIA T. L. MELANIONA
MEDICA. A. MAMM.
ANN. XL. SE. VIVA. FECIT. ET
VRN. MARMOR. POSVIT.

Quod etiam confirmant verba SCRIBO-
NII LARGI p): *multos animaduertimus unius
partis sanandi scientia medici plenum nomen
consequutos. Ex quibus intelligimus illa
MARTIALIS: q)*

*Totis , Galle , iubes tibi me servire diebus
et per Auentinum ter quaterque ire tuum.
Eximit aut reficit dentem Cassellius aegrum,
infestos oculis vris Higyne pilos,
non secat et tollit stillantem Fannius vuam,
tristia servuorum stigmata debet Heros,
enterocelarum fertur Podalirius Hermes.*

Qui sanet ruptos , dic mihi , Galle , quis est ?

quibus medici dentarii, ocularii, qui por-
ro tuberculos in faucibus sanarunt, tum
qui stigmatum delendorum artem sunt pro-
fessi, ac ii denique, qui intestinorum tu-
more laborantibus opem tulere, a se in-
uicem distinguuntur. Itaque necesse vi-
sum

p) *composit. med. prae-
fat. p. 5. ed. RHODII.*

q) *lib. X. epigr. 57. al.
50. p. 721. edit. RADERI.*

quidem, nisi nos omnes fallunt rationes, hi ipsi sunt, quos in aliis marmoribus *archiatros* adpellatos videmus, quorum duos primum cognitos nobis fecere BOISSARDVS *t)* et PATINVS *u)* ex lapidibus romanis, qui tam in GRVTERIANVM *x)* quam MVRATORIANVM *y)* thesaurum postea translati sunt. Tertium, ΚΤΡΟΝ ΑΠΟΛΛΑΝΙΟΤ, CYRVM APOLLONII *filium*, in lucem protraxerunt doctissimi itineris literarii socii ac comites, IACOBVS SPONIVS *z)* et GEORGIVS WHELERS *a)*; quartum vero, TIMOTHEVM, qui Theodosii aetate floruisse videtur, THOMAS REINESIVS *b)* et post hunc MVRATORIVS *c)*, vir ceteroquin doctissimus, qui tamen lapides, ab aliis iam dudum vulgatos, primum a se vulgari, saepius et plerumque non sine negligentiae et oscitantiae culpa est opinatus. Quinti ἀνδρα-
στῆν debemus eruditissimo HANNIBALI DE ABA-

t) *ant. rom. tom. III.* alterum, nomine archiatri
sive *part. VI. p. 8. et p.* paullisper mutato, *p.*
243. *IOCCCCXXXVIII. 3.*

u) *commentario in ant.* *z)* *itinerar. libr. III.*
M. Artorii monumentum p. 91.

p. 451.

x) *p. IOCCXXII. 4 et 5.* *a)* *voyage de Dalmatie,*
de Grece et du Levant,

y) *alterum lapidem de tom. I. p. 121.*

dit MVRATORIVS p. b) *inscript. p. 945.*

IOCCCCXXIII. num. 15.

ABATIBVS OLIVERIO d) CAII nempe TETTI, C. L. TESIAE, vti vocatur, ARCHIATRI PERITISSIMI, cuius lapidem itidem de nouo excudi curauit LVD. ANTON. MVRATORIUS. e) Sextus archiater est AVLVS, ASCLEPIADIS filius, solus, quem ex reliquis antea iam cognitis, primus ex graeco marmore protulit laudatus MVRATORIUS *nouo suo inscriptionum thesauro.* f) Quae quidem marmora singula si inter se comparamus, probabili certe coniectura eo ducimur, vt archiatri nomen officii primum nomen fuisse, statuamus, eius nempe, qui reliquis in libertorum et seruorum familia medicis praefectus fuit, quod vero posteriori aeuo honoris quasi causa nobilioribus, qui vniuersam medendi artem scientia comprehenderunt, tam in vrbe, quam in municipiis, et forte quoque in prouinciis, fuit tributum. g)

RARO

c) DCCCCCLXXX. 6.

d) *marmor. Pisaurens.* num. LXIII. p. 28.

e) p. DCCCCCLXXX. 4.

f) p. CXVIII. 2.

g) De archiatis veterum non vna est doctorum virorum sententia. Quod vt eo melius cogno-

scatur, adscribere hic liceat verba doctissimi ANIBAL. DE ABATIBVS OLIVERII *notis ad marmora Pisauriensia*, p. 152. Sic vero ille: Archiatros dictos fuisse medicorum principes, existimauit PIGNORIUS *de seruis*. Nul-
B lum

RARO autem factum est, vt vnus medicus plures simul medicinae partes disceret,

lum autem inter medicos principatum fuisse, docet GOTHOFREDVS ad l. 4. C. Theod. de Medic. et Prof. idcirco archiatros adpellatos fuisse putat eos medicos dumtaxat, qui vel principi operam dabant, vel in principibus vrbibus, Roma scilicet et Constantinopoli, medicinam facitabant. Parum ea sententia probatur FABRETTO *in scr. domest. cap. IV. p. 301.* qui augustos non archiatis, sed medicis vfos fuisse, ex pluribus inscriptionibus obseruat. Accedit, quod FABRETTVM praetermisisse miror, non romani, seu constantinopolitani, sed municipalis archiatri memoriam existare in vetusto marmore Polae in Illyrico, in GRVTERO pag. DCXXXII. 5. cui addimus nunc ex inscriptione nostra Pisautensem archiatrum. Ea vero, quae de archiatis FABRETTVS attulit, haud meliora mihi videntur. Scribit enim, archiatros,

vel medicos absolute eos ferme dictos fuisse, qui non medici partiales essent, vt ocularii, clinici, chirurgi, sed vniuersam medicinam callerent, et exercerent; quum archiatri a medicis expresse distinguantur in l. 6. C. de professor. ibi: *medicos et maxime archiatros.* Ego vero si post tantos viros sententiam meam proferre mihi fas sit, existimo, medicos dictos fuisse illos, qui medicinam suo periculo exercebant, quos hodie *medici Venturieri* apellamus, archiatros vero, qui a decurionibus electi, salario publico honorabantur. Enimuero in duabus legibus 9. et 10. eiusdem tit. codicis, in quibus de medicis ab ordine decurionum lectis seu legendis agitur, archiatri semper dicuntur. Leg. 9. archiatri scientes annonaria sibi commoda a populi commodis ministrari etc. Leg. 10. Si quis in archiatri defuncti locum est promo-

ret, easque ad vsum et exercitationem reuocaret. Qualis fuit olim P. DECIMIUS P. L. EROS MERULA, idem, quem Assisii sua pecunia viam sternendam curasse, lapis MVRATORIANVS b) docet, *medicus clinicus, chirurgus et ocularius*, sic vero eum vocat marmor GRVTERIANAM i):

P. DECIMIUS P. L. EROS
MERULA. MEDICVS
CLINICVS. CHIRVRGVS
OCVLARIVS. VI. VIR.


Inprimis vero huc pertinere videtur CLAVDIUS AGATHÈMERVS, κατ' ἐξοχὴν, *medicus* vocatus, non addito aliquo ἐπιθετῶ, quod is non partem medicinae excoluerat, sed vniuersam sibi comparaauerat, quodlibet morbi genus sanandi, scientiam. Ac huius quidem medici mentio facta est in *marmoribus Oxoniensibus*:

B 2 ΚΑΑΤ-

promotionis meritis aggregandus. Plures enim medicos in quaque vrbe fuisse, quam qui ab ordine conducebantur, docet Iustinianus in §. item Romae 15. Iust. tit. de excusat vbi eos solum medicos, grammaticos, rhetores a suscipienda tutela

excusari vult, qui *intra numerum sunt*. Haec OLIVERIVS. Addantur FABRETTVS notis ad inscriptiones domesticas p. 301. et CAROL. PATINVS in *antiquum Artorii monumentum* p. 452.

b) p. cccclxxiiii. 6.
i) p. cccc. num. 7.



ΚΛΑΥΔΙΟΣ ΙΗΤΗΡ ΑΓΑΘΗΜΕΡΟΣ ΕΝΤΑΔΕ
 ΚΕΙΤΑΙ
 ΠΑΝΤΟΙΗΣ ΔΕΔΩΚ ΚΡΑΙΠΝΟΝ ΑΚΕΣΜΑ
 ΝΟΣΟΥ
 ΣΤΝΟΝ ΤΟΤΤΟ ΔΕ ΜΟΙ ΚΑΙ ΜΥΡΤΑΛΕΙΣΑ
 ΣΤΝΕΤΝΩ
 ΜΝΗΜΑ ΜΕΤ ΕΥΣΕΒΕΩΝ Δ ΕΣΜΕΝ ΕΝ
 ΕΛΤΕΙΟΙ

*Claudius Agathemerus medicus hic iaceo,
 omnigeni qui cognoueram praesentissimum
 remedium morbi,
 commune hoc mihi est, et Myrtalae
 coniugi
 monumentum, cum piis autem nos sumus in
 Elysio,*

de quo idem iudicauit olim FABRETTVS,
 medicos, qui ex partibus curationem adbi-
 buerint, nomen medicorum ἀπλῶς nequa-
 quam meritos fuisse, non sine caussa ratus,
 sed eos tantum, qui omnium morborum re-
 media cognouissent, et qualis fuerit Clau-
 dius ille in laudatis marmoribus Angli-
 canis.

RES vtut sit, in vniuersa hac medico-
 rum veterum familia, ocularii permagnum
 olim dignitatis et honoris gradum sunt
 consequuti, adeo, vt nullum fere medico-
 rum genus frequentius oculariis fuerit.
 Quare et in inscriptionibus romanis fae-
 pissime

piissime eorum fit mentio. Commemorantur enim in his : P. ATTIVS ATIMETVS, Augusti medicus ab oculis, in marmore GRVTERIANO *k*), idem forte, cuius SCRIBONIVS LARGVS *l*) meminit: TIBERIVS CLAVDIVS apud MVRATORIVM: *m*) P. COLIVS, seu potius COELIVS, PHILOGENES apud eundem *n*) et MARQVARD. GVDIVM *o*): Q. COELIVS, Q. L. NICOMEDES, qui medicus ocularius et simul feuir coloniae Iuliae Fanestris fuit, vt ex prisco marmore IO. IAC. BOISSARDI *p*) et IANI GRVTERI *q*) discimus : Q. COELIVS NIGER, cuius lapidem exhibent THOMAS REINESIVS *r*), RAPHAEL FABRETTVS *s*) et CAROLVS CAESAR MALVASIA *t*): Q. CAERELLIVS QVINTILIANVS, cuius sigillum, pyxidibus vnguentariis signandis adhibitum, exstat apud LVD. ANTON. MVRATORIVM *u*): C. CAP. SABINIANVS, de quo idem fere sigillum habemus, a SPONIO *x*) in lucem publicam editum : C. DOMITIVS DEMENTIVS

B 3

TRIVS

- | | |
|--|---|
| <i>k</i>) IOLXXXI. 2. | <i>r</i>) <i>class. xi. num. 8. p.</i> |
| <i>l</i>) <i>compos. medic. 120.</i> | 611. |
| <i>m</i>) <i>p. IOLCCCCXXXV. 2.</i> | <i>s</i>) <i>in sc. domest. cap. II. 11.</i> |
| <i>n</i>) <i>p. IOLCCCCCLXIII. 4.</i> | <i>p. 300.</i> |
| <i>o</i>) <i>p. CCXVIII. 2.</i> | <i>t</i>) <i>marmoribus Felsineis,</i> |
| <i>p</i>) <i>tom. III. antiquit.</i> | <i>p. 219.</i> |
| <i>q</i>) <i>p. CCCCXVI. 8.</i> | <i>u</i>) <i>p. IOVIII. I.</i> |
| | <i>x</i>) <i>miscellaneis erudita</i> |
| | <i>antiquitatis, p. 237.</i> |

TRIVS apud RAPHAEL. FABRETTVM y)
 et CAROLVM CAESAREM MALVASIAM z):
 P. DECIMIVS P. L. EROS MERVLA, me-
 dicus clinicus, chirurgus et ocularius, cu-
 ius marmor apud GRVTERVM a) et cor-
 rupte apud RICOLVIVM et RIVAVTEL-
 LAM b) legitur: CN. HELVIVS CN. L. IOL-
 LA apud GRVTERVM c): TIBERIVS IV-
 LIVS CVTISONVS, Augusti libertus, apud
 BOISSARDVM d), GRVTERVM e) et PATI-
 NVM f), idem sine omni dubio, quem
 MVRATORIVS g) CYTISORVM scribit: M.
 IVLIVS SECVNDVS, cuius memoriam ser-
 vat lapis sepulcralis, ab ill. marchione SCIP.
 MAFFEIO h) et LVD. ANT. MVRATORIO i)
 in lucem publicam editus: C. IVLIVS DIO-
 NYSIODORVS, cuius sigillum apud lauda-
 tum MAFFEIVM k) reperitur: M. IVLIVS
 CHARITO, qui itidem ad signandas pyxi-
 des suas vnguentarias sigillo vsus est, de-
 scripto a MVRATORIO l) aeque ac MAFF-
 FEIO

y) *in script. domest.* p. 300.
 num. 276.

z) *marmorib. Felsin. sect.*
 V. cap. I. p. 219.

a) p. cccc. n. 7.

b) *marmoribus Tauri-*
nenfibus, part. I. p. 231.

c) p. idcxxxiiii. 2.

d) *libr. iiii. antiquit.*
 p. 84.

e) p. idlxxxix. 8.

f) *comm. in antiquum*
Artorii monumentum, p.
 451.

g) p. idccccxxvii. 5.

h) *mus. Veronensi* p.
 135. num. 2.

i) p. idccccviii. I.

k) *mus. Veron.* p. cxxxv. 3.

l) p. idviii. 3.

FEIO *m*): M. LATINIVS M. L. *medicus ocularius*, HERMES, cuius lapidem exhibet RAPHAEL FABRETTVS *n*): P. NVMITORIVS P. L. ASCLEPIADES, seuir Veronensis et medicus ocularius apud GRVTERVM *o*), CONVPHRIVM PANVINIVM *p*) et SCIP. MAFFEIVM *q*): M. PEVTVCA, de quo lapidem dedit modo laudatus MAFFEIVS *r*): C. RVTILIVS EVTHETVS, in marmore RAPH. FABRETTI *s*): SILICIVS medicus ocularius, quem GRVTERVS *t*) nobis cognitum ex eius inscriptione fecit, repetita ALVD. ANT. MVRATORIO *u*): CAIVS SVLPITIVS HYPNVS, et CAIVS STATIVS SABINIANVS, quorum figilla exhibet MVRATORIVS *x*). TIBERIVS CELADIANVS, Tiberii Caesaris Augusti medicus ocularius, legitur in marmore apud GRVTERVM *y*), M. VERO VLPIVS HERACLES in binis sigillis, a SPONIO *z*) in lu-

B 4

cem

m) antiquitatibus Gallicae, p. 81.

n) *inscript. domest.* p. 300. num. 277.

o) p. cccccxxxxiii. 4.

p) antiquitatibus Veronensibus, p. 242.

q) *Verona illustrata*, part. I. p. 355. num. 23.

r) *museo Veronensi*, p. 284. num. I.

s) *inscript. domest.* p. 299. num. xxv.

t) p. I c c x x x v. 3.

u) p. I c c c c c x x v i i. 14.

x) p. I c v i i i. 2. et 4.

y) c i c c x i. 6.

z) *miscellan. eruditae antiquitatis*, p. 237.

cem publicam editis. Quibus merito adiunguntur ii, quorum in scriptoribus graecis pariter ac latinis mentio facta est, nominatim CAPITO, HERMIAS, HEROS, SERGIUS, PACCIVS, GALLIO, GAIUS, STOLVS, BRITANNICVS et ZOILVS apud GALENUM *a)*: ATIMETVS apud SCRIBONIVM LARGVM *b)*: EVELPIDES apud CELSUM *c)*, vt de reliquis taceamus.

Ac de his quidem medicis oculariis, antequam ad alia discedamus, haud immerito quaeri potest, seruae aut liberti fuerint omnes, an ex iisdem nonnulli quoque ingenui? ROBORTELLVS, tum FERRETIVS aliquae multi in ea olim fuere opinione, medicinam Romae non nisi a seruis excultam fuisse, e quibus nonnulli postea manumissi fuerint. Verum causam medicorum ea in re haud infeliciter in se suscepit defendendam doctissimus CASAVBONVS *d)* argumentisque satis grauib. demonstrauit, si in seruorum romanorum familiis medicos fuisse, legamus, idcirco effici haud posse, omnes artis huius cultores fuisse conditionis seruilis. CASAVBONVM sequuti sunt non solum

DRE-

a) de compos. med. sec.
loc. III. I. IV. 6.

b) compos. CXX.

c) libr. VI. cap. 6.

d) not. ad Sueton. vit.
Caes. cap. IIII.

PRELINCOVRTIVS singulari de hoc argumento oratione, in lucem publicam edita, sed etiam eruditissimus SPONIVS aliiq̃ue, de quibus viri cel. IVL. CAROLI SCHLAEGERI *historia litis de medicorum, apud veteres romanos degentium, conditione* videatur e). Ac is quidem SPONIVS f), ex inscriptionibus inprimis, non omnes, qui Romae medicinam fecerint, seruos fuisse, probare studuit, inueniri enim haud paucos ingenuos ex antiquis celebribusque romanis familiis, qui artem medicam exercuerint, et ex quorum lapidibus, honestissimae eos et originis et conditionis fuisse, haud obscure, certe non sine probabilitate, diuinari possit. Addit vir doctissimus, multos graecos homines ingenuos Romam venisse, iusque ciuitatis consequutos esse, qui ibidem morbis sanandis dederint operam, neque defuisse alios, eiusdem artis scientia imbutos, qui amplissimis in republica honoribus essent functi, adeo, vt iniuriam faciat salutari huic disciplinae, qui eamdem non nisi a ser-

B 5

uis

e) edita Helmstad. c10
1000000.4.

f) in recherches curieuses d'antiquité, in quibus p. 419. exstat differ-

ration, qu'il n'est pas vray, que ce fussent seulement des esclaves qui pratiquassent la Medecine à Rome, ni que les Medecins en aient jamais été bannis.



uis Romae excultam esse, arbitretur. Quae quidem omnia fundamento suo neutiquam destituta, sed ita potius comparata sunt, ut, quae SPONIVS de medicis romano- rum in vniuersum, eadem de oculariis nominatim summo iure dici affirmarique posse, nobis videantur. Nam etsi in seruis ocularios fuisse, tanto minus negari potest, quo luculentius extra omnem dubitationem ea res ponitur ILLYRII CELADIANI marmore g), qui ocularius medicus et in Tiberii Caesaris Augusti seruorum familia fuit: etsi neque hoc quisque negare poterit, plurimos eorum, quorum memoriam prisca nobis conseruarunt marmora, libertorum numero fuisse adscriptos, de quibus admodum probabilis est coniectura, eosdem adhuc seruos, ante manumissionem suam, oculorum vitio laborantibus opem tulisse. Hoc tamen simul non sine summa probabilitate adfirmare licet, fuisse in his medicis oculariis etiam ingenuos, quos nascendi conditio non ad infimam et vilem seruorum sortem abiecerat. Quo quidem referendum esse ducimus M. IVLIVM SECVNDVM in marmore apud illustriss. marchionem SCIP. MAF- FEIVM h):

M. IVL.

g) apud GRVTERVM
p. CIO CXI. 6.

h) museo Veronensi p.
CXXXV.

Ocularios vero medicos seuiratu quoque in coloniis et municipiis functos esse, demonstrat PVBLII NVMITORII ASCLEPIADIS exemplum, *seuiri Veronensis*, quemadmodum in marmore apud GRVTERVM *m*) vocatur:

P. NVMITORIVS P. L. ASCLEPIADES
 I^{IIII} VIR MED. OCVLAR. SIBI et
 SEMPRONIAE. L. F. GALLAI VXORI
 TESTAMENTO. FIERI. IVSSIT

tum aliud, Q. COELII NICOMEDIS, *seuiri coloniae Iuliae Fanestris*, apud IO. IAC. BOISSARDVM *n*) et IANVM GRVTERVM *o*):

Q. COLIVS. Q. L. NICOMEDES
 MEDICVS. OCVLARIVS. SEX. VIR
 COL. IVL. FANESTRIS.

TANDEM et hoc probe tenendum est, medicorum veterum duplex olim fuisse genus, alterum eorum honoratius, qui Romae, aut alio loco, firmam, fixam stabilemque sedem habuere, qui quaesiti ab aegris sunt, alterum vilius, qui aegros quaesiuere, ac circumforaneorum instar, per ciuitatum fora, regiones, vrbiumque vicos oberrarunt et praeparata a se medicamen-

m) p. cccccxxxx.4.

n) tom. IIII. antiquit.

o) p. cccccxvi.8.

camenta vendiderunt. Ac hi quidem sunt, quos περιόδευλὰς antiquitus adpellatos esse, videmus p), de quibus MODESTINVS q) iurisconsultus, *medici*, inquit, qui περιόδευλὰς, id est, *circulatores vocantur, quemadmodum a reliquis muneribus, ita à tutela, et cura requiem habent*, et qualis fuit L. SABINVS PRIMIGENIVS apud IO. BAPT. FERRETIVM r):

L. SABINVS L. L.

PRIMIGENIVS

ORTVS AB IGVVIO MEDICVS, FORA
MVLTÀ SECVTVS

ARTE FEROR NOTA NOBILIORE FIDE
ME CONSVRGENTEM VALIDA FORTVNA
IVVENTA

DESTITVIT RAPIDIS IMPOSVITQVE
ROGIS, Cet.

AD quale vero medicorum oculariorum genus PHRONIMVS noster pertinuerit, facili coniectura diuinari potest. Videtur enim ad ocularios περιόδευλὰς referendus esse. His enim ea ipsa fuit consuetudo, quae Phronimo nostro, vt medicamenta
prae-

p) legatur CLAVDIVS
SALMASIVS *exercitatio-*
nibus Plinianis, p. 739.

q) leg. 6. §. 1. *digest. de*
excus. tut. extraord. crim.



Elaphionis aliorumque apud REINB-SIVM *c)* docent. Eamdem consuetudinem prae ceteris medici imitati esse videntur, quo inprimis pertinent CORNVTVS apud BOISSARDVM *d)* et GRVTERVM *e)*: MENANDER, TALLVS, ALEXANDER et THEOPHILETES apud eundem *f)*: CHARINVS, LIMENIVS et NICOMEDES apud MVRATORIVM *g)*, maxime vero, quod caput rei est et ad nostrum potissimum argumentum ἀμείσως pertinet, *medici ocularii*. Ad quorum numerum referendus est apud GRVTERVM *h)* Silicius:

SILICIVS. MEDI
CVS. AB. OCVLIS

tum ex MVRATORIO *i)* Q. CAERELLIVS QVINTILIANVS, qui, omisso nomine gentilitio et praenomine, QVINTILIANVM se tantummodo vocavit, porro CAIVS SVLPITIVS HYPNVS, qui HYPNI tantum nomen gessit, apud EVMDEM *k)*, denique C. CAPITO SABINIANVS *l)*, qui solo co-

gno-

c) class. xi. inscr. p. 619.

h) p. 10cxxxv. 3.

d) tom. vi. antiq. p. 15.

i) p. 10viii. 1.

e) p. 10cxxxiii. 9.

k) ibid. num. 2.

f) p. 10cxxxiiii. 7.

10cxxxv. 4. et 7.

g) p. 10ccccxxxiiii. 3.

10ccccxlii. 3. 10cccclxvii.

num. 1.

l) apud SPONIVM miscellan. erudit. antiquitatis, p. 237.

gnomine contentus, reliqua more istius aevi neglexit, seque SABINIANVM scripsit. Ipsum ceteroquin PHRONIMI nomen, a graeco *Φρόνιμος*, *prudens*, priscis romanis, inprimis libertis, haud infrequens et inusitatum fuisse, antiqua GRVTERI et MVRATORII marmora satis superque demonstrant. In his leguntur C. DIDIVS PHRONIMVS *m*), T. PVBLICIVS PHRONIMVS *n*), T. PHRONIMVS vna cum matre sua PHRONIME *o*), C. SENTIVS PHRONIMVS *p*) et C. IVLIVS PHRONIMVS *q*), ne de aliis Phronimis *r*) dicamus, qui, uti noster, ἀπλῶς solo cognomine scripti sunt, omisso nomine gentilitio et praenomine.

IAM vero, quatenus sint Phronimi huius contra oculorum morbos medicamenta, merito quaeritur. In lapide nostro primae lateris litteras PHRONIMDIAPSOR OPOBALSADCLAR interpretandas esse existimamus: PHRONIMI DIAPSOR *vicum*

OPO-

m) vide GRVTERVM p. 100CLXXVIII. 4.

n) apud EVMDVM p. 100CCXX. 4. Inscriptio haec legitur etiam p. 100CXXXI. 2.

o) apud EVMDVM p. 100CXVI. 8.

p) ibid. p. 100CXXII. 8.

q) ib. p. 100LXXXIII. et

apud MVRATORIUM p. 100CCXXVII. 4.

r) apud MVRATORIUM p. 100CXI. 5. 100CCXXVII. 12.

quae repetitur p. 100CCCCXXVIII. 6.

C



OPOBALSAMUM AD CLARITATEM oculorum. Medicamenta ψωρικὰ, quae ἀπὸ τῆς ψώρας, a scabiei genere, nomen suum tulerunt, priscis medicis haud incognita fuere, DIOSCORIDI inprimis, AETIO, MARCELLO; tum SCRIBONIO LARGO et aliis. Ac is quidem vnguenti cuiusdam ψωρικῆς mentionem facit ad caliginem oculorum dissipandam. COLLYRIUM, inquit s), *psoricum ad caliginem et ad aspritudinem oculorum, quam ἑρεοφθαλμίαν adpellant*. Quare huius generis medicamentum Phronimi nostri fuisse, coniectura haud improbabilis videtur. Quod vero opobalsamum id vocavit non ἀπλῶς ψωρικόν, sed διαψωρικόν, fecisse hoc videtur medicorum veterum more et consuetudine, qui medicamentis compositis, quoad ista a simplicibus distinguuntur, particulam διὰ haud raro praefixerunt, uti vocabula *diarrhodon, diamyssus, diasmyrnion, diapson, dialepidium, diaglaucium*, cum in medicorum veterum scriptis, tum inprimis in oculariorum lapidibus frequentia, satis superque demonstrant. Qua in re hoc vnicum addere liceat, nullum fere olim ex his oculariis fuisse medicis, quin medicamentum aliquod, modo ad depellendam ab oculis caliginem, modo ad restituendam

visus

IN secundo lapilli nostri latere incisae sunt litterae: PHRONIMDIASMRN POSTIMPETLIPEXOV, quae, ad voces redactae, nostra coniectura legi debent: PHRONIMi DIASMyrNion POST IMPETum ET LIppitudinem EX Oculo Vulnerato. Medicamentum, quod Phronimus noster commendat, ἀπὸ τοῦ σμυρνίς nomen habet, quo herbae genus, ἀπὸ τοῦ τοῦ σμύρου, siue a myrrhae odore, designasse

C 2

vete-


t) miscellan. erud. antiquit. p. 237.

x) p. 12 VIII. num. 2.

u) ant. Gall. p. 81. coll.

γ) *miscell. erudit. anti-*

MVRATORIO p. 13viii.3. quit. p. 237.




veteres, auctor est DIOSCORIDES, tum THEOPHRASTVS aliique. Videntur autem veteres medici, vt plura alia vocabula, quae plantas, herbas, frutices, bitumina idque genus alia designant, sic et hoc *σμύγνιον* non vna ratione vsurpasse, aliis istud *τὸ ἱπποσέλιον* vocantibus, aliis petroselinum cilicium, aut olus atrum romanum, vt CLAVDIVS SALMASIVS 2) egregie monstravit. Duplex, inquit, hoc nomine herba in generibus differentibus, aliud saxi et sicco gaudet, vnde et *πῆλοσέλιον* dictum: aliud humidis et opacis. Atque inde Plinii error, non distinguentis inter *smyrnium* illud, quod est olus atrum romanum, et aliud verum *smyrnium*, quod est petroselinum Cilicium. Hinc scripsit, credidisse veteres *smyrnium* loca petrosa amare, cum posteriores deprehenderint repastinato feri debere. Atqui de altero *smyrnio* id veteres tradidere, non de atro olere, quod *smyrnium* est in repastinato et humido ferendum. Aetas posterior hoc exemplum secuta, haec etiam nomina indiscreta habuit et inuicem permutavit. Pergit deinde de ipso *σμύγνιον*: THEOPHRASTO *ἱπποσέλιον* dicitur, quod est verum Dioscoridis *smyrnium*, ex quo sinceram et optimam myrrham colligi dixit radice incisa. Hanc myrrham, quae e *smyrnio*

2) homonymis hyles iatricae, cap. XVI. p. 14.

C 3

hoc

a) *miscell. erud. antiq.* p. 237.



hoc nos fugit, apud MARCELLVM b) impetum in numero morborum, quibus oculi obnoxii esse soleant, haberi. Verum si quid nos sentiamus, libere expromere liceat, videtur nobis impetus iste hoc loco non tam morbi genus, quam violentam et improuisam percussione[m], qua oculus illiditur et percellitur, designare. Ac post talem quidem impetum, si laesus oculus madeat, siue contra ipsum hunc nimium oculi humorem vsurpari iubet Phronimus suum diasmyrnum.

IN tertio lapidis nostri latere Phronimus vnguentum habere et vendere se dicit contra aspritudinem, et citatrices, EVODES dictum, sic vero ἐπιγχαφὴν lateris huius explicandam esse arbitramur. Sine dubio graecum hoc est vocabulum εὐώδης, ab ὄζω oleo, et εὖ bene, deducendum, vnde vocabula εὐοσμὸς, bene olens et εὐοσμία, bonus odor, apud DIOSCORIDEM aliaque originem habuere. Idem fere, seu potius vnguentum, suauem odorem habens, significare hoc loco videtur vocabulum euodes, graece apud HOMERVM, PLVTARCHVM, DIONYSIVM periegetam, ATHE-NAEVM, HESYCHIVM aliosque obuivm. Sic vero olim omnia medicamenta, quibus odoris suauitas gratiam aliquam conciliabat,

b) libro de medicamentis.

bat, ut ex SCRIBONIO LARGO suspicari licet, vocata esse videntur. Phronimus contra singulari a se composito vnguento nomen hoc impertire voluit. De ipsa aspritudine oculorum et commoda, vitio huic medendi, ratione multa habent veteres medici, inprimis MARCELLVS et SCRIBONIVS LARGVS.

In quarta inscriptione *penicilli* mentio fit, cuius vsum ad omnem lippitudinem esse, Phronimus contendit. Itaque medicus hic ocularius penicillos quoque vendidit? Videtur certe, si quidem vera sunt, quae TERENTIUS c), SCRIBONIVS LARGVS d), CELSVS e), alique referunt, penicillos ex linteolis concerptis, ex medulla sambuci, aut spongia factos, adhibitos olim vulneribus fuisse, vel abstergendis, vel aperiendis, vel vtne coirent et clauderentur. Probabile vero est, Phronimum singulare penicillorum mollium genus vendidisse, quo nimius humor, a lippis defluens oculis, leniter et sine cutis, quae oculum ambit, laesione abstergeretur.

HACTENVS de lapidis nostri inscriptionibus. Iam vero, quem olim vsum habuerint tales inscripti medicorum veterum

C 4

lapil-

c) *eunuch. act. III. scen. p. 81. et. CCXXXVIII. 7. v. 7.*
 d) *composit. medic. CXXXII.*
 e) *de medic. VII. c. 7. v. 6.*

lapilli, haud immerito quaeritur. IOAN-
 NES SMETIVS f) ingenue ignorantiam
 suam fatetur, ac *me sustineo*, inquit, et in-
 genue fateor, quid superiora significant, mi-
 bi non liquere. De illis quid sentiam,
 non facile dixerim, saepe mecum cogito, quid
 sibi illa velint. Ego tamen nihil adhuc af-
 firmare audeo, et iuuenili meo iudicio non
 tantum credo, videant, qui in castris litte-
 rarum veterani, et quibus emunctae magis
 purgataeque sunt nares. IAC. SPONIVS g)
 quoad nos quidem scimus, primus fuit,
 qui aliquam de his lapidibus Smetianis fe-
 cit coniecturam. Prodiere, inquit, ante
 paucos annos antiquitates neomagenses, qui-
 bus Smetius, vir eruditus, suum rerum an-
 tiquarum gazophylacium nobis exhibet, et
 eas inter, lapides duos virides quadratos in
 margine scriptos, quorum usum se ignorare
 fatetur. Ego puto fuisse opercula pyxidum,
 in quibus unguenta, olea atque collyria re-
 seruabant pharmacopolae, quemadmodum
 apud nostros chirurgos in usu est gestare py-
 xides, in quibus quatuor aut quinque un-
 guenta varii generis habent ad usum. SPO-
 NIVM sequuti sunt reliqui fere omnes,
 qui eius generis lapillos quadratos in lu-
 cem publicam emiserunt, nominatim ill.
 mar-

f) antiquit. Nouioma-
 gensibus, p. 98.

g) miscell. erudit. ant.
 p. 236.



contra ipsum operculi usum, plane non videmus. Ex quibus omnibus, SPONTANAM sententiam non magnam prae se ferre veri speciem, haud obscure liquet.

QVARE lapillum nostrum, haud àliter ac reliquos, iam ante in lucem editos, sigillum esse, statuimus, quo usus olim fuerit Phronimus medicus ocularius ad signandas pyxides suas vnguentarias. Cui sententiae haud vulgarem probabilitatem conciliat cum inuersus litterarum ductus, ex quo effici posse putamus, sigillorum loco usos his lapillis medicos esse, tum et id ipsum, quod studiose veteres medicamentorum, a se inuentorum, compositiones celarunt *b)*. Neque enim tum defuere fraudulentis homines, qui emtoribus vnguenta adulterina pro bonis obtruderent, aut arcanam aliorum artem imitantes, quae ipsi inepte concoxerant, pro veris et germanis aliorum medicamentis fallacissime venditarent. Quam propter fallaciam et ut germanis huius generis vnguentis fides sua constaret, pyxides signabantur, signo officinae, aut nomine medici iisdem impresso.

ANTE-

b) videantur, quae ea *obs. de veterum medicis de re cel.* PETRVS WES- *oculariis, vol. III. qctor.*
SELINGIUS adnotauit, *soc. lat. Ienens.* p. 48.

ANTEQVAM vero quam dimittamus lapidem nostrum et huic commentationi finem imponamus, tria adhuc de illo notanda esse, videntur. Primum omnes fere huius generis lapides viridis olim fuere coloris. Saltem id de plerisque animaduertunt interpretes. MAFFEIVS suum, quem in *Galliae antiquitatibus selectis* i) ediderat, diserte *lapillum quadratum subviridem* vocat. Id fere suspicari licet de altero Maffeiano, qui in *Museo Veronensi* k) descriptus legitur. De suo pariter SMETIVS l) obseruat, esse *lapidem viridem, politum et quadratum*. Idem de lapillis suis SPONIVS m) confirmat, vocans eos *virides, in quorum marginibus inscriptiones legantur*. In MVRA-TORIANIS n) is, qui primo loco positus, eiusdem est coloris, forte et reliqui, de quorum tamen colore nil ibi adnotatum reperimus. Ac huius quidem coloris rationem reddit SPONIVS, nostra sententia, haud improbabilem. *Collyriis, inquit, adseruandis virides hosce lapides seligebant, quod hisce color sit oculorum amicus*, quasi idcirco et ocularii deberent eundem colorem in thecis, pyxidibus et sigillis suis vnguentariis adfectare. Lapis ipse, vt supra iam obseruauimus, ad iaspidis genus referendus est.

SPO-

i) p. 79.

k) p. 135.

l) ant. Nouiom. p. 96.

m) miscell. erudit. ant.

p. 232.

n) p. 13VIII.



SPONIVS putat esse priscorum molochitem, siue, vt alii, a graeco *μαλαχῇ*, scribunt, malachitem, de quo PLINIVS: o) *non translucet molochites, spissius virens, a colore maluae nomine accepto.* Sic fere noster lapillus, quemadmodum malachitem descripsit PLINIVS. Iaspidem vero eundem vocamus, generisratione habita, quo omnes lapides calcareis duriores, qui *continui* vocantur, et perlucidi haud sunt, siue igne in calcem abeant, siue in massam aliquam vitream, *iapidis* vocabulo vulgo comprehenduntur.

DEINDE de scribendi compendiis, qualia in lapillo nostro cernuntur, nemo ignorat, eorum vsum antiquum quidem, sed in lapidibus perrarum et non nisi propter spatii angustiam in nummis vsitatum fuisse. Tantum vero abest, vt ea res suspectam reddere fidem, aut aetatem monimenti nostri possit, vt vtramque magis stabiliat ac confirmet. Primum enim, si in nummis propter spatii angustiam scribendi compendia adhibita esse, videmus, summo certe iure adhiberi eadem quoque in nostro monimento potuere, in quo spatium, litteris incidendis destinatum, aequè haud maius est, ac in plerisque nummis esse solet. Deinde ipsa, litteras contrahendi, ratio in nostro monimento maxime consentanea est cum
ea,

СССХХІ.



sic exarata inuenit, ut litterae PH, AV, TH, HR, ANV iunctim scriberentur PH A^r TH IR A. Sic quoque alias litteras aliis minores tecere Romani propter angustos lapidis limites. Exemplo sit marmor GRVTERIANVM *b)*, in quo AVR scribitur pro AVR, et aliud apud SMETIVM *c)*, quod litteram E minorem inclusit maiori C, et O litterae D, in hunc modum SAGRDS. Neque vero non alias litteras aliis imposuere, imprimis, uti in nostro monumento, litteram I. Sic vocabulum ITERVM LIPSII *auctarium d)* in marmore quodam sic scriptum exhibet †ER; litteras vero IR in alio marmore GRVTERIANO *e)* hac figura R expressas esse, HOLTHENVS *f)* monuit, ut de aliis istiusmodi exemplis taceamus.

DENIQUE in eiusmodi oculariorum medicorum lapillis vestigia *ἱερογραφίας* reperire sibi haud immerito visus est illustrissimus

b) p. XXXVI.

c) p. CL. 6.

d) p. 29.

e) p. CLXVIII. 7.

f) loco memorato p. CCCIII. Plura eius generis scribendi compendiorum exempla suppeditant THOM. REINESIVS *class. II. inscr. 14. p. 254.*

FABRETIUS *inscr. p. 255.* OCTAV. BOLDONIVS *libr. v. epigraph. p. 600.* GISB. CVPERVS *monim. ant. p. 187.* 10. DOM. BERTOLIVS *antichità d' Aquileia. p. 358.* SCIP. MAFFEI *siglis Graec. lapidar. p. 60.* CHRIST. GOTTL. SCHWARZIVS *miscell. polit. humanit. p. 24.*

mus marchio SCIPIO MAFFEI g). Exhibent enim litteras a dextra ad sinistram ductu inuerso, haud secus fere ac in nostris typothetarum officinis. Sistunt iidem lapides, ceræ vel argillæ, haud secus ac nostri typi chartæ, impressi, litteras a sinistra ad dextram, more scribendi consueto. Sunt denique lapides hi sic comparati, ut ipsis tanquam ἀρχεῖον aliquo, plura exempla, sibi paria, breui tempore fingi ac produci queant, haud dissimili fere artificio, quod hodiernis litterarum formis proprium est ac commune. Eadem vero, quæ in his lapidibus, ὑπογραφίας specimina præter lateres coctiles multæ veterum lucernæ nobis exhibent, in quibus pari fere ratione nomen artificis vel officinae expressum legitur, cuius rei illustria inprimis exempla in musei PASSERII lucernis fictilibus reperiuntur.

ANTEQVAM huic commentationi finem imponamus, etiam hoc animaduerti debet, sigilla eiusmodi medicorum oculariorum cum sigillis veterum artificum haud esse confundenda. Nisi in illis morbi, aut saltem ipsius medicamenti mentio est facta, nollem profecto eiusmodi lapides medicis oculariis tribuere. Solebant enim artifices fictilibus vasis suæ officinae, vasculis

rebus-

g) museo Veronensi, p. cxxxv.



rebusque aliis, ad vsum domesticum necessariis, eiusmodi sigillorum ope, nomen suum in casu secundo imprimere. Tale sigillum illud est, quod IO. DAN. SCHOEFFLINVS *b)* in lucem edidit:

Q. CALAN PRISCI

His sigillis non solum lateres coctiles, sed etiam lucernae signatae sunt, vt, ex qua officina opificium esset, constaret. Eiusmodi artificum, qui Arretii olim fuerunt, nomina collegit ANTON. FRANC. GORIVS *i)*. Eadem ratione interpretandae forte sunt Legionum siglae, exempli causa: LEG. AVG. VIII. quae lateribus coctilibus saepissime eiusmodi sigillis impressae leguntur. Supplendum est, nisi nos omnia fallunt, vocabulum OPVS, legionis scilicet octavae augustae opus, hocque significatur, eiusmodi lateres esse opus legionis VIII. Augustae, quod ex eius officina figulina prodierit.

b) *Alsat. illustr. tom. 1.*
p. 609.

i) *inscript. Etrur. tom.*
II. p. 320, sq.



II. 342

SIGILLA
MEDICORVM
OCVLARIORVM

APVD VETERES ROMANOS

among

old

Romans

THE
MAY 1901
MAY 1901
MAY 1901
MAY 1901

I.




Sigillum hoc, in agro Ienensi inuen-
tum, singulari commentatione Ienae,
CICIDCCLXIII. 4. edita, illustrauimus, quae
in selectis his primum occupat locum.

D 2

II.

16 43




II.

*Sigillum Anonymi medici ocularii in Gal-
lia repertum et Nemauso a doctissimo
SEGVIERIO missum.*



Possidet hoc sigillum doctissimus SE-
GVIERIVS. Quatuor latera, vt in pleris-
que aliis inscripta sunt, omissis tamen me-
dici ocularii nomine et medicamentorum
virtutibus, raro admodum exemplo, nam
vtrumque in plurimis huius generis me-
dicorum lapillis expressum legitur. Pri-
mum latus PSORICVM commendat, sci-
licet vnguentum, ἀπὸ τῆς ψώρας, a sca-
biei

a) composit. medic. nem, primam in hoc
b) vide commentatio- opusculo.



sancti Marculfi de Insula in Neustria inferiore eiusmodi sigillum medici ocularii reperiretur, in cuius latere scriptum fuerat: CROCOD. qui veram eius vocabuli daret interpretationem, fuit nemo, neque ipse adeo clarissimus vir LVDOVICVS ANTONIVS MVRATORIUS, ad quem id miserat ad locupletandum nouum inscriptionum thesaurum *c)* doctissimus montis Seleuci Baro, IOSEPHVS BIMARDVS LA BASTIE. Diuinauerat enim, quamquam sine vlla veri specie, MVRATORIUS, CROCODilium forte, aut CROCinum ODoratum legendum esse vocabulum illud decurtatum CROCOD. quod in sigillo isto habeatur, plane, ut videtur, ignarus, iam apud GALENV M *d)* *crocodem* in *collyriis* siue vnguentis haberi, quae sanandis oculorum inferuiant vitiis. Cel. WESSELINGIVS deinde, ni fallimur, primus, crocodem vnguenti genus esse, de quo in hoc lapide sermo sit, suspicatus est *dd)*, quam coniecturam lapis noster admodum egregie confirmat, ac verissime ea de re doctissimum virum iudicasse, satis superque ostendit. De aromatico vnguento, quod in tertio late-

re

c) tom. I. p. 10VIII.4.

dd) obs. de medicis oculariis, vol. III. aëtor. soc.

d) πρὸς κατὰ τὸν πόντον.

lat. Ienens.

D 4

dam,

e) *libr. VII. cap. 142.* COLAVM FRANCISCVM
f) *edidit hoc sigillum* HAYMIVM, *addita in-*
EDMVNDVS CHIS *scriptioni eius Sigae,*
HVLLE *diff. de numo* p. 121. *edit. Lugd. Bat.*
CKOM. *interipto ad NI-* CIOIO CCXXVII. 8.

dam, admodum manifeste produnt. Quid vero melinum fuerit apud veteres, docet PLINIVS, diligentissimus rerum naturae scrutator. Numerat is melinum in vnguentis g) idque in amaracyni locum substitutum esse scribit. Monstrat deinde b) rationem huius olei praeparandi, *exque malis cotoneis*, inquit, nempe ex eorum floribus, *et struthiis fit oleum melinum, quod in unguenta transit, admixtis omphacio, cyprino, sesamino, balsamo, iunco, cassia, abrotano.* Alio loco i) malorum cotoneorum flores iis, qui inflammationibus oculorum laborant, commendat, exque floribus fieri ait *oleum*, quod supra melinum vocauerit. Ex quibus, cur melinum in oculariorum medicorum collyriis locum habuerit, haud obscure patet.

III.

CLAVDII

CLAVDII GALBADICAE

Est hoc sigillum in museo Pichoniano
Nemausi, itidem a cel. SEGVIERIO ad
nos

g) libr. XIII. cap. 2.

i) libr. XXIII. cap. 54.

b) cap. eod.



de quo alio loco dictum r), quibus se noster, eundem morem sectatus, iam adiungit. Gessit vero Claudii nomen tanquam cognomen, cuius rei iidem exempla in priscis marmoribus haud defunt, quae non solum frequentem horum nominum permutationem docent, sed etiam Claudios sine gentilitio nomine et sine praenomine cognitos nobis faciunt s). Medicamentum huius Claudii fuit *CROcodes GALBanus*, id est, collyrii genus, ex crocode et galbano compositum. Τῆς χαλβανης, siue latinè, mutato τῶ χ in G galbani t) mentionem fecerunt non solum DIOSCORIDES NICANDER, AETIVS, sed etiam ex latinis scriptoribus SVETONIUS, PLINIUS aliique plures. AC PLINIUS u) quidem, *dat galbanum*, inquit, *Syria in eodem Amanò monte e ferula, quam eiusdem nominis resinae modo stagonitin adpellant*, ex SALMASII x) emendatione: *e ferulaeque eiusdem nominis, resinae modo, stagonitin appell-nt.* Ex quibus verbis galbani patriam Syriam fuisse discimus, natam ibi esse


r) commentatione supra memorata.

s) videatur GRUTERVS p. CCLXXXVII 5. IO XXVII, I. IOCCCCXXI. IO.

t) conf. SALMASIVS exercit. Plinianis, p. 60.

u) libr. XII. hist. nat. cap. 56.

x) exercit. Plin. p. 249.




Repertum est prope fanum sancti Remigii seruaturque hodie apud medicum Auenionensem, CALVETVM, virum harum rerum et amantissimum et peritissimum. Ac in hoc quidem vasis fragmento leguntur litterae C. DVRON CTE CHELIDO AD CAL. vnde medicum patet Caium quemdam Duronium Ctesiam fuisse, et habuisse in pyxide sua chelidonium ad caliginem oculorum dissipandam. Chelidonii collyrii etiam in aliorum huius generis medicorum sigillis facta est mentio, quod vero caput rei est, constat ex hoc vase, medicos crudo fictili harum pyxidum, antequam igne indurarentur, in tabernis figulorum nomina suorum medicamentorum imprimenda curasse eamque in rem suis quoque sigillis usos esse. Duplex igitur horum sigillorum vsus apud veteres medicos fuisse videtur, alter, quo vascula venalia horum collyriorum cera obsignarunt eisdemque, vt fidem facerent medicamentis suis, sigillum tale impresserunt, alter, quo ipsi sua vasa, in quibus praeparata collyria domi seruare solebant, signarunt, vne, si quo opus erat, alterum cum altero confunderetur.

V.

Q. CAERELLII QVINTILIANI



EX MVRATORIO *thes. nou. inscriptionum*,
 p. 15VIII. i. qui exstare verba haec,
 refert, in lapillo viridi et quadrato, re-
 perto prope aedem sancti Marculfi de in-
 sula in Neustria inferiore anno Christi
 C1515CCXXVIII. Misit Muratorio V. CL.
 IOSEPHVS BIMARDVS, montis Seleuci
 baro. De ipso lapide haec apud MVRATO-
 RIVM ibidem reperiuntur: monuit me do-
 ctissimus BIMARDVS, in quadrato hoc la-
 pide litteras minime exsurgere, sed alte
 incisas esse. Eo autem vsum opinatur Q.
 CAERellium QVINTILIANum ad inscri-
 ben-



bendos titulos pyxidibus, aut cistulis, quas venales circumferebat, quum ipse esset Myrobrecharius, aut Pharmacopola: de quo hominum genere multa habet Salmasius in exercitationibus Plinian. p. 739. Heic igitur primo se offert STACTE AD CLARitatem, oculorum scilicet. Liquidissimum haec erat et pinguisimum e myrrha vnguentum, de quo videndus Hesy-chius. Latinis plerumque solo *myrrhae* nomine indigitatur. Sequitur DIALEPIDium vnguentum confectum ex succo *lepidii*, ex Dioscoride, Plinio, Athenaeo, aliisque satis noti. Ex *smyrnio*, cuius duo genera fuisse contendit praelaudatus Salmasius in homonym. hyl. iatric. cap. 16. expressum vnguentum, heic appellatur DIASMYRNium. Vltimum denique est aut CROCODilium, seu potius CROCinum ODoratum, scilicet vnguentum ex croco odoris fragrantissimi, cuius generis magno ad rem medicam vsui fuisse testatur Dioscorides. Ceterum pretiosa magnam partem eiusmodi vnguenta fuerunt: ideoque apud Plautum Curcul. act. I. sc. 2. Lena vinum vetus sibi *Stactem* et *Crocinum* esse dicit.

De eodem lapide cel. WESSELINGIUS *obs. de veterum medicis ocularis vol. III. actor. societ. lat.* p. 51. egregie quoque est

est commentatus. Sic vero ille: non recordor, Q. CAER. QVINCTILIANI nomen inter medicos reperire, quamquam insculpta remedia ocularium ostendunt. Primum est QVINCTILIANI DIALEPID. hoc est, si verum eruit clarissimus MVRATORIUS, *dialepidium*, vnguentum, ex succo lepidii confectum: at eius herbae succus et folia ad exulcerationes conciliandas erant opportuna, visui atque oculis noxia. *Δύναμις δὲ ἐστὶ τῶν φύλλων ὀριμῆα ἐλκωτικὴ*, scribit a) DIOSCORIDES. Quae eius virtus haud latebat seruos fugitiuos, stigmata, fronti iniusta, dispuncturos. b) COLVMELLA:


. . . et lactis iustum quae condiat
herba,
Deletura quidem fronti data signa fugarum,
Vimque suam idcirco profitetur nomine Graio.

Vbi vide celeb. IO. MATH. GESNERVM. Fuit in lapillo DIALEPIDOS, siue, vti c) SCRIBONIVS, *squammae aeris*, quem Graeci *λεπίδα* vocant. Namque eum adspergebant oculorum medicamentis ad scabiitiem palpebrarum et fluxiones detergen-

a) *mater. med.* L. II. 205.

b) L. x. de cult horror. v. 125.

c) *composit.* cxxx. II.



gendas. μίγνυται δὲ καὶ τῆς ὀφθαλμικαῖς
 δυνάμεσι, ξηραίνει γὰρ τὰ βλέφαρα τὰ τρα-
 χέα d), DIOSCORIDES. Quin ipsum hoc
Dialepidos collyrium non praeterit e) MAR-
 CELLVS. Sequitur in lapide QVINCTILIA-
 NI CROCOD, quod vir doctissimus aut
 CROCODilium, aut potius CROCinum
 ODoratum explet. Neutrum bene, quam-
 quam posterius a vero parum, a scriptu-
 ra longius deflectit. CROCODEs fuit
 iterum iterumque a GALENO f) exposi-
 tum. Ad Q. CAER. QVINCTILIANI
 DIASMYRNon nihil addo; de eo supra.
 Restat QVINTILIANI STACT. quod
Muratorio STACTE est, liquidissimum et
pinguissimum e myrrha unguentum. Verius
 STACTon, ad oculorum claritatem et ca-
 liginem atque aspritudinem dispellendam
 perutile, de quo g) SCRIBONIVS. Graeci
 σακτὸν, ἐνσακτὸν, σακτικὸν, Latini *stactum*
 et *stacton* nuncupare solent, sicuti RHO-
 DIVS docuit: qui quidem in VEGETIO
 RENATO pro *stracta* forsan scribendum esse
stacta coniiciens, ansam ad examinandum
 eum locum praebet opportunam. Et cum
inflaueris h), VEGETIVS ait, *ferula vel*
virga molli armum caedito, sale et oleo per-
frica-

d) mat. medic. L. V. 89. *fit. medicam.* p. 216. et 218.

e) de medicam. p. 72.

g) *composit.* XXXIIII.

f) L. IIIII. de compo-

h) *artis veterin.* L. II.

fricato, ipso die postero stracta vteris: cuius haec erit compositio: simulae sextarios duos, si defuerint, pollinis triticei duos etc. tum stractam quotidie imponito. Vtrobique RHODIVS substituit stractae vocabulum, inuito atque intercedente, neque iniuria i), viro doctissimo, cui stracta de collyrio stilletitio haud absurdum videbatur. GESNERVS, sospitator VEGETII, quid si legamus, inquit, tracta, aut certe stractam eandem dicamus? In quo sententiarum diuortio demiror aditum ad fontem non fuisse, e quo VEGETIVS sua hausit: PELAGONIVS veterinarius eadem de re hunc ad modum k); καὶ ἐμφυσήσας ἀνεμον ἔμβαλλε, καὶ λεπτῇ ῥάβδῳ ἀπαλῶς πλήττει τὰς αἰμοπλάτας, καὶ ἀλατὶ καὶ ἐλαίῳ ἀπότριβε αὐτῇ τῇ ἡμέρᾳ, τῇ δ' ἐπίσχῃ ΤΡΑΚΤΩΜΑ ποίει, ὃ ἢ κατὰ σκέυη αὐτῇ, σεμιδάλεως, ἢ αἰλεύεις σίτην ἢ κριθὴν ξίσας δύο etc. Viden' gemina haec et VEGETII Latinis germana? Ergone tractomate vteris et tractoma imponito reddemus VEGETIO? Equidem dekerem neutrum, si scripti libri addicerent, quī stracta quūm praeferant, detracto sibilo tractam malim. τρακτὸν recentiores Graeci ceram albam, quod tractu continuo albesceret,

i) miscell. Lips. nou. vol.

k) hippiatric. p. 89.

ceret, vocarunt. Hinc *ῥεάνωμα* emplastrum ex cera alba aliisque speciebus, ut pulchre DVCANGIVS, quod *tractam* suo iure quin VEGETIVS vertere potuerit, nullum dubium est, praesertim quum *tractam*, quamquam alia in re, Cato et Plinius, quod bene Gesnerus, usurparent. Haec WESSELINGIVS.

Illustrissimus comes DE CAYLVS tom. I. *collect. antiquit.* etiam hunc lapidem produxit, addiditque ad eius interpretationem has FALCONETI coniecturas. Nomen ipsum non CAERellius, sed CAERealis legit. *Dialepidium* apud veteres nuspian reperiri autumat, putat autem fuisse vnguenti admodum acris genus, ex planta *lepidio* seu *piperitide* praeparatum. DIASMYRN legi iubet DIASMYRNES, a myrrha, quae Smyrna graece. Loquuntur de hoc vnguento GALENVS et AETIVS, qui *diasmyrnon* vocant. CROCOD. id est CROCODilium, plantae genus, de quo DIOSCORIDES et PLINIUS. Planta earumdem fere virtutum, quarum lepidion. Crocodili caput, ex ignorantia forte, addidit sculptor, crodilium a crocodilo, rabido et maximo lacertae genere, dictum esse, ratus.

VI.

C. CAP. SABINIANI



HOC figillum dedit IAC. SPONIUS *miscellaneis erud. antiquit.* p. 237. ex SPONIO ill. comes DE CAYLUS *collect. ant. tom. I.* p. 240. edit. germ. Ac de eo ille, operculum, inquit, hocce erat ex lapide siue gemma non ab simili Molochitae, sed paulo obscuriori, forte *Chlorites* siue *Chlorides* Plinii, quem lib. 37. cap. 10. refert esse herbacei coloris. Collyriis asseruandis virides hosce lapides seligebant, quod hicce color sit oculorum amicus, *Antiquos*, inquit


quit Athen. lib. 15. in vnguentorum usu fuisse curiosos et diligentes, hoc est indicio, quod priuatim unicuique parti corporis idonea scirent. Adde et vnus cuiusque partis varia pro variis morbis, veluti ad oculos collyria quam plurima, qualia haec, quae *Caii Capii Sabiniani* Myropolae siue Pharmacopoei erant. **CHLORON AD CLAR.** Collyrium *chloron* dictum a colore suo viridi, *claritudini* oculorum prospiciens. Comes **DE CAYLVVS** addit fuisse genus vnguenti, **DIARRODON** dicti. **NARDINVM AD IMPETVM** nomen a spica nardi habens, cuius meminit Aetius. Oleum quoddam nardinum describit Mesue, nunc etiam in usu. *Nardinum*, inquit Plinius lib. 13. cap. 1. siue foliatum constat omphacio, balanino, iunco, costo, nardo, amomo, myrrha, balsamo. **DIABSORICVM AD CALIG.** scribendum: **DIAPSORICVM.** Collyrium ad oculorum caliginem dissipandam, cuius mentionem facit Marcellus, ad caliginem et asperitudinem oculorum, siccamque perturbationem sine tumore, quam xerophthalmiam Graeci appellant, facit hoc collyrium, quod *psoricum* dicitur. Item infra, *Collyrium diapsoxicum.* Ante Marcellum *psoricorum vnguentorum* mentionem fecit **SCRIBONIVS LARGVS.** **CHELEDON AD CLAR**itudinem oculis conciliandam Plin. lib.

C. IVLII DIONYSIODORI

C. IVL DIONYSODORI
DIAMISVS AVETCI

C. IVL DIONYSIODO
RI PACCIA DIAT'

E 3 decla.




declarare videtur mihi Plinius lib. 34. cap. 12. cum tradit, *Misy* inter virtutes ceteras extenuare *scabritias oculorum inueteratas*. De Misy vide Mercati Metallothecam pag. 65. *Ad Vet. Ci* forte *ad veternum ciliorum*? De Diamiso collyrio loquitur Marcellus Empiricus cap. 8. Vbi in nouo thesauro inscriptiones id genus afferuntur, typographos puto Plauti locum deformatum, nec opportune de suo, sic adiecisse. *Sana vinum sibi stacte, et crocinum esse dicuntur*. Apud Plautum quidem lena bibax vini odore recreata sic vinum alloquitur: Curcul. A. 1. S. 2. *Tu mihi stacte, tu cinnamomum, tu rosa, tu crocum, et cassia es*. Haec MAFFEIVS. Ego prioris inscriptionis figlam sic interpretor: AD *Vulnera ET Cicadrices*.

VIII.

M. IVLII CHARITONIS



Illustriss. march. SCIP. MAFFEI hunc lapidem ab obliuione vindicauit *antiquit. Galliae* p. 81. De quo sic vir meritissimus: lapillus est quadratus subuiridis, vnguentariae thecae olim operculum. Quadripartita ea fuit, et totidem collyria continuit, oculis aegrotantibus illinenda. Myropolae M. Iulii Charitonis vnicuique nomen adpositum. *Isochrysi* appellatione auro contra carum non esse, forte studebant suadere, *ad claritudinem* acquirendam prodesse dicebatur. Huius nominis collyrium apud priscos medicos non inuenio, sed idem fuisse puto, quod velut incerto nomine et *isophaton*, et *isotheon* olim vocatum, ab Aetio discimus. *Diarbodon* Diagorae commendat Oribasius; Galeni item innotescit: *Ad feruorem* sedandum Charito valere suum adnotauerat. *Diasmyrnum* memorat Aetius, et Marcellus, et Scribonius Largus, qui ad pustulas, et ad supurationes oculorum facere praedicant. Quod reliquum est, aut abstergens fuisse videtur quoddam, aut purgans a *διαψαίγω* appellatione deducta, vel a *διαψάω*: nisi tamen *Diaprasium* erat, quod in Nicolai antidotario contra oculorum caliginem recensetur. Post MAFFEIVM lapidem hunc edidit MVRATORIVS *nouo thesauro inscriptionum* p. 10VIII. 3. nihil tamen addidit de suo, nisi quod Diuione is reperiatur



apud P. OVDINVM *ex societ. Iesu*. Optime de eo postea commentatus est cel. WESSE-
LINGIVS *obseruat. de veterum medicis ocula-*
riis vol. III. act. soc. lat. lenens. p. 49. Sic
vero iste: Vulgavit illustris natalium at-
que eruditionis gloria SCIPIO MAFFEIVS l)
lapillum quadratum, vnguentariae thecae
quondam operculum, cuius singula latera
M. IVLII CHARITONIS collyriis inscripta
et signata sunt; qui quidem institoris pig-
mentarii fuisse videtur, pyxide abdita, vti
mos est, ea studiose seruantis, quae aut
aliis vendicaret, aut ipsemet aegrotis ad-
plicaret. Multi enim hoc de genere olim
audaciam atque inscitiam in artem verte-
bant et miseros temerarie circumscribebant.
Talem certe perstringit atque ex meritis or-
nat m) EPICTETVS. M. Iulius Charito ocu-
larius est, fortasse idem ac CHARITO ὄχ-
λαγωγός, h.e. *multitudinis illex*: solebat enim
circum fora et celebres mercatus ire ac
aegris opitulari: περιήει γὰς πανηγύρεις, n)
GALENVS inquit. Sitne vero ab eo diuer-
sus medicus CHARITO, cuius *de Trochiscis*
commentarii in bibliothecis o) latent, quis
adfirmauerit? Hunc ophthalmicum osten-
dunt compositiones aduersus oculorum in-
com-

l) *antiquit. Gallie.* p. 75.

n) L. II. *de antidot.* p.

m) *Aman. diff. Epicteti* 451.

L. IIII. 21. p. 441. Ed.

o) IAC. PHIL. D'ORVIL-

VPTONI.

LE ad Charitonem L. I. I.

commoda, quorum primum in lapillo M. IVLII CHARITONIS ISOCHRYSON AD CLARITATEM, siue, vt Craeci, πρὸς ὀξυδερμίαν. Negat vir illustris, hoc se nomine collyrium in medicorum libris inuenisse; est tamen in GALENO p), etsi praue nunc ἰσοχρύσος πρὸς βεβρωμένους κανθάρους; neque enim medici nomen est, sed medicamenti, cui ob vim mirificam ἰσοχρύσος, auro contra cari, titulum impigisse videntur. τὸ χρευσθῆν habet AETIVS q). Sequitur in lapide M. IVL. CHARITONIS DIARHODON AD FERVOREM, sic optime MAFFEIVS: pessime L. ANT. MYRATORIVS, addito in thesaurum suum ex antiquitatibus Gallicis r) lapillo, omnia haec praeteriit, aliaque negligentissime iterauit, quae peccata in egregia collectione nimis, quod merito dolemus, sunt multa. *Diarhodon*, ex rosis collyrium, saepe GALENVS, ALEXANDER TRALLIANVS, PAVLLVS AEGINETA et AETIVS descripserunt, neque opus est indicio. Id vero *ad feruorem oculorum*, sic MARCELLVS, πρὸς Φλεγμονήν, dissipandum et detergendum, commodum ac perutile fuisse, iidem non negant. Tum M. IVL. CHARITONIS DIASMYRNON DE. . . . in quibus *Diasmyrnon*, pro quo *Diasmyrnes*

E 5 ma-

p) L. IIIII. de compositt. medic. p. 218.

q) L. VII. p. 147.

r) thes. nou. p. DVIII. 3.

maluit SCRIBONIVS s), legendum esse, adsentimur MAFFEIO. Graeci διασμύρον, et verius διὰ σμύρονος ex vetere sermonis vsu, id remedium vocitant. Sed quid mutilatis litteris, de quibus nihil vir illustris, faciendum? Fuisse suspicor AD EPIPHORAS. Moueor his SCRIBONII t): *ad conturbationes et epiphoras oculorum scio multa collyria, tametsi tarde, magnos tamen effectus habere*: illis quoque, quae PAVLLVS AEGINETA u) disputat. Tandem M. IVL. CHARITONIS DIAPSA. . . . , quod anceps admodum atque obscurum est. Vir illustris: *aut abstergens fuisse videtur quoddam, aut purgans, a διαψάσω appellatione deducta, vel διαψάω, nisi tamen Diaprasium erat*: quorum quidem posterius ipso litterarum ordine confutatur; priora eius sunt generis, vt, si recuses, constabiliri nequeant: sunt praeterea pleraeque hae collyriorum compositiones ex pluribus conflatae, proptereaque ΔΙΑ praescriptum habent. Tale est *Diapsoricum* apud MARCELLVM x), quod, si in lapidis scriptura commissum esset, recipi poterat. Alioquin *Diapsoron* erit. Meminit ψαρῆ, psari, a colore murino adpellati medicamenti,

PAVL-

s) *composit.* XXVI.

u) L. III. 22. p. 72. edit.

Basil.

z) *composit.* XVIII.x) *de medicament.* p. 73.

PAVLLVS AEGINETA, mirificeque fecisse y), ait, πρὸς τὰς νομὰς καὶ ὑπερσυχώσεις, *ad ulcera depascentia et excrescentia*. Apud Ill. comitem de Caylus *tom. I. collect. ant.* Hic lapis ordine sextus est.

VIII.

C. SVLPITII HYPNI



Damus hunc lapillum ex MVRATORIO
p. 15VIII. 2. qui exstare illum ait *Epami-
duodori in Sequanis*, hodie Mandeure, esse
lapi-

γ) L. VII. 13. et L. IIII. 43.



lapidem quadratum, missumque esse a BR-
MARDIO. Post MVRATORIVM editus est
in lucem ab ill. comite DE CAYLVS tom.
I. coll. ant. p. 244. De ipsis ἐπιγχαφαῖς,
in primo latere, inquit MVRATORIVS, in-
terpretare C. SVLPicii HYPNI STAC-
TVM OPOBalsamatum AD CapVt.
In secundo HYPNI CROCODilium DIA-
LEPIDiatum AD ASPRITVdinem. Me-
liora de isto nos docuit cel. WESSELI-
GIVS, laudata obs. de veterum medicis ocu-
lariis, p. 54. cuius verba hic transcribere
liceat: transeo ad alterum MVRATORII la-
pillum, C. SVLP. HYPNI collyria, et pe-
regrino cognomine libertinae conditionis
hominem offerentem. HYPNVN SERVVM
dabit C. CAES. MALVASIA 2), alium aut
libertum aut eiusdem loci MVRATORIVS a).
Ophthalmici HYPNI COENON AD CLARITA-
TEM non eget explicatione, neque indige-
ret C. SVLP. HYPNI CROCOD. DIA-
LEPID. AD ASPRItudinem, nisi vir praecla-
rus iterum obtrusisset CROCODilium DIA-
LEPIDiatum, quod CROCODEs DIALEPIDos
fuisse, apertissimum est. Proprie quod faciebat
et acre erat aduersus aspritudinem oculorum
et palpebrarum, ut in SCRIBONIO. b) Tertium
C. SVLP. HYPNI STACTVM OPOB.
AD

2) marmar. Felsin. p.
231.

a) thes. nouo p. MCL
XXIII. 3.

b) compos. XXXV.

AD CV. ex opobalsamo, de quo PAVL-
 LVS AEGINETA c) et prorsus egregie RHO-
 DIVS, d) concinnatum fuit: vtrum vero
 AD CapVt, quomodo MVRATORIVS, an
 AD Cicatrices Veteres extenuandas, sicuti
 MARCELLVS e) iudicat, non temere de-
 creuero: id mihi liquidissimum est, HYP-
 NI LISIPONVM AD SVPPVRATIONES
 male sculptum videri: LYSIPONVM oportu-
 erat. ATIMETI et DIOMEDIS λυσίπωνα, ad dolores sedandos collyrium, ceteris in-
 feruit CL. GALENVS. f) Ex CAYLO ad-
 notandum, eum non legere OPOB. AD
 CV, sed AD CL, id est, ad CLARITA-
 TEM. λυσίπωνος, *Lysiponos soluens dolores*,
 forte idem vnguentum, quod TRALLIA-
 NVS παρηγορῆκόν *mitigans* nuncupauit.

X.

G. STAT. SABINIA- NI. DIACHERALE

EX MVRATORIO loco memorato, qui ac-
 cepisse lapidem refert Vefuntione a BI-
 Mardo. Fisse, addit, hanc ἐπιγραφήν in
 quadrato lapide *incisis litteris et ordine prae-*
poste-

c) Lib. VII. 16. p.

282.

d) ad Scribon. p. 72.

e) de medicam. p. 72.

f) de compos. medi-
 cam. L. III. p. 216.

postero exaratis: dubium non esse, quin figillum fuerit alicuius pharmacopolae. Eundem lapidem dederunt DVNODVS, *histoire des Sequanois*, p. 205. et comes CAYLVS loco memorato, p. 243. Idem FALCONETI coniecturam non satis probabilem refert, vnguentum hoc forte ex cinere cremati cum carnibus suis echini, cui mel admixtum fuerit, fuisse factum. Coniecturam hanc niti vult testimonio PLINII, qui echinos combustos ad alopecias utiles esse, referat, *libr. XXXII. hist. nat. cap. 23*. Haec veteres credidisse non negatur, verum, quare idcirco *diacherale* vnguentum fuerit ex illo cinere et melle compositum, non videmus. Multo minus tamen ferendi sunt, qui hoc vocabulum ab arabico *Kziri* deducendum esse arbitrantur.

XI.

M. VLPII HERACLETIS



Lapil.

Lapillum hunc primus vulgavit 10. SMETIVS *antiquit. Nouiomag.* p. 98. deinde ill. comes CAYLVS *collect. antiquit. tom. I.* p. 239. edit. german. Lapillus viridis, inquit, SMETIVS, apud me politus et quadratus, vnus fere est in quadratum pollicis, crassitie tertiam circiter digiti partem aequat, in marginibus voces sequentes, sed inuersae et retrogradae leguntur incisae litterae.

Exhibitis deinde ipsis lapilli huius inscriptionibus, sic pergit: hic me sustineo et ingenue testor, quid superiora significant, mihi non liquere. De illis quid sentiam, non facile dicerem, saepe mecum cogito, quid sibi illa velint. Ego tamen nihil adhuc adfirmare audeo, et iuuenili meo iudicio non tantum credo, videant, qui in castris litterarum veterani, et quibus emunctae magis purgataeque sunt nares. Quibus haec subiungit SMETIVS: dum prelum fudat, et typographus sua grammata prioresque typos coniungit, opportune in meas manus incidit similis, sed crustosus eiusdem formae et magnitudinis lapillus, quem possidet Laurentius van den Bergh, vir consularis, atque optime pessimo tempore de te-



trarchia et vrbe Nouiomagenſi meritus:
 non licet currente prelo de litteris inuerſis
 et characteribus illi incifis altius iam cogitare,
 tantummodo typum litterarum marginalium
 hic dabo. Haec **SMETIVS**. Ac is quidem
 eſt lapillus, quem ſtatim exhibebimus, ordine,
 quem cuiſibet eorum adſignauimus, octauus.
Comes de CAYLVS *loc. memorat.* ſeu potius
FALCONETVS, cuius ſententiam ea de re ille
 ſciſcitatus fuerat, vocabula **TIPINVM** et
DIARICES haud recte ſcripta eſſe, ideoque vix,
 quid ſignificarint, diuinari poſſe arbitratur;
 coniiicit tamen **DIARICES** forte pro **DIACROCON**
 poſitum eſſe, quod vnguentum ex croco
 paratum fuerit. Apud **AETIVM** et **AEGINETAM**
 mentio talis vnguenti fit, quod **DIACROCA**
 vocatur. Pro **DIAMYSVS** legi vult **FALCONETVS**
DIAMISY, a vocabulo *Mify*, quod vitrioli genus
 apud veteres fuit, vt videtur, vitriolum cupri,
 quod romanum dici hodie ſolet, apud **CELSVM**,
PLINIVM alioſque obuium. Conf. **MERCATI**
metallotbeca Vaticana, p. 65.

stratioticum dicitur. TALASSE ROSA nobis incognitum. DIARODON, quod idem videtur ac nostrum *Rosaceum*, et Plinii *Rhodinum*, vel potius *Collyrium Diarodon*, cuius Oribasius meminit: etenim addit AD IMP. hoc est ad *Impetum*, qui apud antiquos morbi oculorum species erat. Marcellus, lib. de medicamentis, *collyrii* cuiusdam meminit, *ad tippitudines et primos impetus oculorum.* CYCNARIVM, aliud *Collyrium* Oribasio *Cygnus* dictum. MELINVM Plinius lib. 13. cap. 1. memorat: *Amaracinum*, inquit, *in Coo*, postea eodem loco praelatum, est *Melinum*: et Galenus lib. de comp. med. lib. 2. Aethenaeus lib. 15. *In computationibus* utile *Rosaceum* est, *Myrtinumque ac Melinum*, quod etiam prodest *ventriculo et Letbargicorum veterno.* DIAMYSVS a Myfi nomen habere potuit, quod est minerale notum. *Collyrii* *Diamysios* meminit Marcellus, *quod ad asperitudines oculorum.* TIPINVM et DIARICES mihi sunt incognita. Haec SPONIVS. Illustriss. Comes de CAYLVVS, qui loco memorato eundem lapidem ex SPONIO dedit, *Stratioticum*, propter graecae vocis originem, vnguentum esse putat, militum causa confectum, si quorum oculi in itineribus fumo, puluere, aëris ventorumque inclementia, incommoda patiuntur. De vnguento *diarodon*, seu po-

potius *diarrhodon*, GALENVS et ALEXAN-
DER TRALLIANVS videndi sunt. *Impetum*
in hac inscriptione inflammationem ocu-
lorum et quoddam *rheumatis* genus desi-
gnare arbitratur. *Cycnarium* a κύκνος,
deducit existimatque, fuisse vnguen-
tum oculorum albi coloris, mentionem
eius apud GALENVM et PAVLLVM AEGI-
NETAM esse factam. Vocabula TALASSE
ROSA contrahit in vnum, legique vult
THALASSERON, a Θάλασσα mare,
fuisse forte vnguentum marini coloris, aut
ex aqua marina confectum. AETIVS et
AEGINETA itidem istud commemorarunt.


XIII.

Q. IVLII MVRRANII

QIVLMVRRANIMELI
NVMADCLARITATEM

QIVLMVRRANISTAGIV
MOPOBALSAMATADCAP


Edidit hunc lapillum EDMVNDVS CHRIS-
HVLL *dissertatione de nummo* ΚΚΩΠΙ *in-*
scripto, ad egregium virum NICOLAVM
FRANCISCVM HAYMIVM, addita inscri-



ptioni *Sigae*, p. 121. editionis, quae Lugduni Bataurorum MDCCCXXVII. 8. prodit. Haec vero de ipsis *ἐπιγραφαὶς* et lapillorum horum usu commentatus est vir eruditissimus: latinas huiusmodi publicationes, utcumque vulgo non notatas, at reuera, mercimonii ergo, a veteribus olim factas, nemo est, qui recte pernegabit. Tales enim duas, cerae pulchre impressas et a tesseris archetypis longiusculis more quodam typographico desumptas, adhuc apud me seruo, aliquot abhinc annis a domino *Lufkins* Colcestrensi, antiquitatum harum studioso, humaniter mihi communicatas. Hae igitur ad Colcestriam, romanam olim coloniam, repertae, et (quod mirandum subit) in usus etiam iapraliptae cuiusdam siue vnguentarii, fabrefactae, dici vix potest, quantum et in re ipsa et verborum formula, huic nostrae nummulariae publicationi ad amussim per omnia respondeant. Haec CHISHVLLIVS, quibus deinde explicationem vocabulorum utriusque *ἐπιγραφής* subiungit. Sic vero alteram legit: *Quinti IVLii MVERRANI MELINVM AD CLARITATEM* (siue, ex malis cotoneis oleum, ad claritatem oculorum faciens), alteram: *Quinti IVLii MVERRANI STAGIVM OPOBALSAMATVM* (siue myrrhae oleum opobalsamo permixtum) AD CAPut, id est: caput medicandum utile.

XIII.

L. CINTIVSMINI BLANDI



Descriptit hunc lapidem doctissimus
BERALDVS, cuius ea de re commenta-
F 3 tiun-

tiuncula in ephemeridibus anglicanis, (*gentleman's magazin*) mensis ianuarii anni MDCCCLIII. p. 25. legitur, quae postea in germanicam linguam translata, volumini quarto *des Bremischen Magazins* p. 43. inserta fuit.

Quae BERALDVS de hoc lapide eiusque inscriptionibus est commentatus, haec sunt. Rarum hoc monimentum exstat in museo antiquitatum collegii Iesuitarum Lugdunensis; vnde vero eo delatum sit, non satis liquet. Est lapis viridis coloris, formae quadratae oblongae, duos circiter pollices longus, XXI. lin. latus, et $4\frac{1}{2}$ lin. crassus. In altero latere est cavitas elliptica, cuius spatium eo loco, vbi latissima ea est, quatuordecim, vbi breuissima octo demum linearum mensuram habet. Quolibet latus habet *ἐπιγραφήν* duobus *στίχοις* inuerso litterarum ductu incisam. Ill. comes CAYLVS aliique in ea opinione sunt, argumentis suis haud destituta, lapides hos fuisse sigilla, quibus antiquo aevo medicamenta signauerint medici ocularii. Lapis ipse fuit adhuc ineditus, et inscriptiones eius ab aliis huius generis, quae raro tamen in museis inueniuntur, quadammodo diuersae. Is, cuius nomen in hoc lapide legitur, ocularius medicus fuisse videtur. Dicebatur CAIVS CINTVSMINIVS BLANDVS.

Pri.

Primum eius vnguentum fuit EVO-
DES AD ASPR. Haec vocabula expli-
canda sunt: *εὐωδες ad aspritudinem*. Ipsa
ocularii orthographia non aequè optima
et adcurata est. Graecum *εὐωδες* signifi-
cat *bene olens*, morbus vero, qui aspritu-
do dicitur, est siccitas palpebrarum et qui-
dem partium earumdem internarum. Vn-
guentum ipsum eiusque rationem ex SCRIBONIO LARGO *composit. medic. XXVI.* discimus: *praecipue hoc collyrium, quod quidam Athenipum, quidam diasmyrnes, quidam εὐωδες vocant, quia boni odoris est*, Paullo post addit, vnguentum hoc adhib-
bitum fuisse ad tollendam *aspritudinem palpebrarum*. SCRIBONII LARGI auctoritate *εὐωδες* idem olim fuit, quod *diasmyrnes*, cuius in tertio lapilli latere mentio facta est. Verum hoc ipso patet, aliquam vtriusque medicamenti differentiam fuisse. Probabile vero est, vnguentum *diasmyrnes*, si gratus ipsi odor datus fuerit, *εὐωδες* dictum fuisse.

DIAPSOROPO est secundum vnguentum. Vocabulum hoc legendum est: *diapsoricum opobalsamatum*. Diapforum antiquorum dictum est a graeco vocabulo *ψωρα*, *scabies*. MARCELLVS EMPIRICVS, SCRIBONIVS LARGVS et CELSVS eius faciunt mentionem, idque contra oculorum aspritudi-



tudinem commendant. Sine dubio vero *opobalsamatum* vocat, quod eidem vnguenta odorifera admixta fuere.

Tertium vnguentum est *diasmyrnes* SCRIBONII LARGI, a myrrha, gr. *σμύρινα*, ex qua compositum fuit, sic vocatum.

Quartum vnguentum in nullo veterum scriptorum reperitur. Sine dubio aliquid fuit medico nostro oculario peculiare et proprium, quod ab ipso inuentum fuit et excogitatum. DIOSCORIDES *lib.V.* refert, vstas spongiarum adfuso aceto oculorum lippitudini aliisque eorundem morbis mederi. Quare videtur CINTVSMINVS, medicamentum quoddam leniens ex spongiis praeparasse, quod a graeco *σπόγγιον* nomen excepit.

lis lateribus, in quibus vnguenta *εὐωδες* et *diasmyrnes* leguntur, incisae visuntur figurae plantarum, illud sine dubio fruticis vel arboris genus, ex quo myrrha colligitur, designantes.




XV.

L. SACCI MENANDRI



Sigillum hoc primus e tenebris in-
 lum protraxit ill. comes DE CAYLVVS
 tom. I. *collect. antiqu.* p. 244. Vocabu-
 lum CHELIDONIM pro CHELIDO-
 NIVM. Quale id vnguenti genus fue-
 rit, iam supra ostensum est. Sigla AD.
 CA. explicari debet AD CALIGINEM.
 MELINVM dicitur DELACR, id est, DE-
 LACRymatum, quod per *destillatum* in-
 terpretatur CAYLVVS. THALASSEROSa



iam supra adfuit, quae itidem DELA-
Crymata dicitur. DIASPHORICum pro
DIAPSORICVM scriptum, de quo supra.
AD SC. id est, ex com. CAYLI mente:
AD SCabiem.

XVI.

DECIMI P. FLAVIANI

..... FLAVIANI

..... M. LENEM. AD

..... VDINEM. OCVLO

DECIMI P.

ANI COLL.

MIXTVM. C

Ex ill. com. DE CAYLVS *coll. ant.*
tom. I. p. 246. qui binas figilli inscriptio-
nes sic supplet, alteram:

DECMI. P. FLAVIANI COLLYRIVM LENEM AD ASPRITVDINEM OCVLO
--

alteram vero :

DEC-




LXXXX. num. 3. sine addita interpretatione. Non tam medici ocularii, quam pharmacopolae fuisse videtur. Quid impetus, quid aspritudo, quid caligo oculorum sit in his sigillis, iam supra diximus. LENEM forte est *lenementum*, pro *lenimentum*. Hoc enim vocabulo pro suavioribus, doloresque lenientibus medicamentis usus est PLINIVS, libr. XXV. *hist. nat. cap. 5*. Patet ex hoc coniecturam ill. Comitris CAYLI, qua in antecedente sigillo LENE pro LENEM legi vult, non esse probabilem.



III.

INSCRIPTIONES
MEDICORVM
OCVLARIORVM





EX MVRATORIO, IDCCCCLXIIII. 4. Legitur etiam in DONII *inscriptionibus* et apud GVDIVM p. CCXVIII. 9. Ibi pro COLIVS rectius est COELIVS, pro NIOBI vero NIOBAI. Existare, ait GVDIVS, inscriptionem hanc *in basi, longa palm. 5½ lata 2.*

4. *Fani Fortunae in ambitu monasteriorum Augustinensium, tab. marm.*

Q. COLIVS. Q. L. NICOMEDES MEDICVS. OCVLARIVS. SEX. VIR COL. IVL. FANESTRIS COLIA. Q. L. SALVIA. VXOR. Q. COLIVS Q. F. POL. FANESTER. FILIVS VELIA. Q. L. PRISCA VXOR EX TESTAMENTO FANESTRIS FILI
--

EX BOISSARDO *tom. IIII. ant. p. 87. et*
GRVTERO CCCCXVI. 8.

5. *Isolae in aedibus archipresbyteri in vase rotundo et longo*

Q. CLODIVS. Q. L. NIGER MEDICVS. OCVLAR. SIBI. ET Q. CLODIO. Q. L. SALVIO. PATRONO
--

Lapidem hunc dedit REINESIVS *class.*
XI. *num. 8. p. 611. tum FABRETTVS in-*
script. domest. cap. IIII. p. 300. itemque
MAL-

MALVASIA *marmorib. Felsin.* p. 219. Vterque addit tres conlibertos, quibus pariter ac patrono suo lapidem hunc posuerat CLODIVS.

6. e *sebedis Vaticanis*

GN. DOMITIO. DEMETRIO
MEDICO. OCVLARIO
PATRI. SVAVISSIMO
DEMETRIVS. FILIVS. FECIT
ITEM. HIRC. CONIVG. BENE M.
ET. SIBI. POSTERISQVE. SVIS
IN. FRON. P. XXXIV. IN. AG. P. XXXIV.

EX FABRETTO *inscr. domest.* p. 300. et
MALVASIA *marmorib. Felsin.* p. 219.

7. *Affisii in Vmbria, tabulae marm. fragmentum*

P. DECIMIUS. P. L. EROS
MERVLA. MEDICVS
CLINICVS. CHIRVRGVS
OCVLARIUS VI. VIR.

Apud BOISSARDVM *tom. III. ant. p.*
148. et GRVTERVM, p. cccc. 7. Noluimus integram *ἐπίγραφήν* hic transcribere.
G Quae

Quae enim sequuntur, ad rem nostram
nil faciunt.

8. *Neapoli apud Castellorum*

CN. HELVIVS. CN. L. IOLLA MEDICVS OCVLARIVS

EX GRVTERO, 13CXXXIIII. 2.

9. *Romae in hortis Carpensibus*

TI. IVLIVS AVG. ET AVGVSTAE. L. CVTISONVS MEDICVS OCVLARIVS H. S. E.
--

EX BOISSARDO *libr. IIII. ant. p. 84.* et
GRVTERO p. 13LXXXI. 8. MVRATORIUS in-
scriptionem hanc repetiit, p. 13CCCCXXVII. 5.
nomine CVTISONVS in CYTISORVS mu-
tato.

10. *Romae, in sepulcreto libertorum Li-
viae Augustae*

M. IVLI. SECVNDI
MEDICI
IN. FR. P. XIII
IN. AG. P. XIII

EX GRVTERO p. 15CCCCVIII. 1. et MAF-
FEIO *musco Veronensi* p. CXXXV. 2.

II. *Bononiae*

DIS MANIBVS
M. LATINIVS. M. L.
MEDICVS
OCVLARIVS
HERMES. VIXIT. ANNOS
XXXX.

Dederunt hunc lapidem ex ALIDOSII
reb. memorab. Bononiens. IAC. SPONIVS
misc. erud. ant. p. 143. et FABRETTVS,
p. 300. n. 277.

12. *Veronae*

P. NVMITORIVS. P. L. ASCLEPIADES
[IIII]. VIR. MED. OCVLAR. SIBI ET
SEMPRONIAE. F. GALLAI. VXORI
TESTAMENTO. FIERI. IVSSIT



Legitur hoc marmor apud ONVPHR.
PANVINIUM, *ant. Veron.* p. 242. GRVTE-
RVM CCCCXXXIII. 4. Et MAFFEIVM *Veron.*
illustrata, part. I. p. 355. num. 23.

13. *Romae, in villa Corsinia*

D.	M.
M.	PEVTVCAE
SIB	ET SVIS
MEDICO.	OCVLARIO

Ex MAFFEI *musco Veronensi*, p. CCLXXX
III. I.

14. *Vrbini*

C. RUTILIO EVTHETO
MEDICO OCVLARIO
RUTILIA. MYRINE
PATRONO. EIDEM. CONIVGI

Apud FABRETTVM *inscript. domesticis*,
p. 299.

15. *Apud Fulu. Vrsinum*

SILICIUS MEDI
CVS. AB. OCVLIS

Exhibent lapidem hunc GRVTERVS
p. 10CXXXV. 3. et MVRATORIUS 10CCCE
XXVII. 14.

16. *Romae, in cippo Tiburtino*

TIBERIVS. TI. CAESAR
AVG. SER. CELADIANVS
MEDICVS OCVLARIVS
PIVS PARENTIVM SVORVM
VIXIT. ANNOS. XXX
HIC. SITVS. EST. IN PERPET

Sic exhibet lapidem GRVTERVS,
C10CXI. 6. De nomine tamen huius me-
dici res incerta est, vtpote quod ex vno
hoc marmore apud alios aliter legitur.
GRVTERVS enim loco laudato eum vocat
TIBERIVM, quam lectionem etiam se-
quitur GVDIVS *inscr* p. CCII. 12. SPONIUS
autem *miscell. erudit. aut.* p. 143. FABRET-
TVS. p. 300. *num.* 274. et MALVASIA *marm.*



Felfin. p. 219. habent nomen ILLVSTRIVS
pro TIBERIVS, LAVRENTIVS PIGNORIVS
de feruis p. 34. CAROL. PATINVS *monimen-*
to Artorii, p. 450. et RHODIVS *notis ad*
Scribonium Largum p. 76. ex hoc nomine
duplex faciunt huncque medicum TI.
LYRIVM CELADIANVM adpellant.
Tandem et ILLYRIVS CELADIANVS
dicitur cum a laudato SPONIO *recherch. cy-*
rieuf. d'antiquité p. 423. tum a MYRATO-
RIO MDCCCCLVII. 5.



III.

QVID SIT


MEDICO IMPERARE

APVD

ALFENVM VARVM

THE UNIVERSITY OF CHICAGO

LIBRARY



Quo exploratius est, eam esse artis me-
dendi naturam atque indolem, vt,
qui hanc profitentur, permagnum habeant
imperium omnibusque, qui curae fideique
eorum sese credunt, sic imperare possint,
vt ipsis adeo regibus orbisque terrarum
dominis salutis suae caussa medico paren-
di, necessitas sit imposita, eo profecto ma-
gis mirum videri debet, apud romanos,
aegroto in medicum datum fuisse impe-
rium, et eum, qui parere debuerit, im-
perasse, qui imperare, conuersa quasi vice
paruisse. Res ipsa negari non potest, re-
periri in priscis scriptoribus haud obscura
eius rei testimonia. Luculentum ea de
re effatum habemus apud ALFENV M VA-
RVM a), virum cum ob magnam, quae
in ipso fuit, iuris scientiam, tum quod
eamdem cum humanitatis studiis, secus
ac vulgo tum fieri solebat, coniunxerat,
clarissimum atque amplissimum. *Medicus,*
inquit, *libertus, quod putaret, si liberti sui*
medicinam non facerent, multo plures IM-
PERANTES SIBI habiturum, postulabat, vt

G §

seque-

a) leg. XXVI. digest. de oper. libertor.



sequerentur se; neque opus facerent. Conspirare cum ALFENI testimonio videtur aliud ex SENECA b), his verbis conceptum: itaque medico, si nihil amplius; quam manum tangit, et me inter eos, quos perambulat, ponit, sine ullo affectu facienda, vitandaque praecipiens, nihil amplius debeo, quia me non tanquam amicum vidit; sed tanquam IMPERATOREM. Neque vero non referenda huc sunt, quae apud eundem scriptorem c) de Domitii medico legimus: Corfinum Caesar obsidebat, tenebatur inclusus Domitius, IMPERAVIT medico eidemque seruo suo, ut sibi venenum daret: quae porro VARRO d) de medicis, quorum opera coloni, in morbum delapsi, utantur: quae denique CICERO e) de Pisone habet, quorum ille itaque, ait, in hoc genus coloni potius anniuersarios habent vicinos, quibus IMPERANT, medicos: hic vero, Pisonem medico, quem secum eduxerat, ut venas incideret, IMPERASSE, refert.

QVID

b) libr. VI. de benef. d) libr. I. de rustica, cap. 16. tom. I. operum, 16.


P. 797.

e) orat. in Pison. cap.

c) libr. III. de benef. XXXIII. p. 745. ed. GRAE- cap. 24. p. 678. VII.

QVID vero? romanos, gentem alias sapientissimam, sui adeo immemores fuisse, credamus, ut aegroti, quid sibi a medico fieri vellet, optantis, IMPERANTIS vocem esse, opinati sint? Quod quidem tantum abest, ut vel minima probabilitatis specie defendere quis possit ac tueri, ut doctissimi cum ALFENI, tum SENECAE interpretes modo in utroque scriptore mendum haerere falsamque irrepsisse lectionem, modo alia ratione difficilem hanc quaestionem expediendam esse, existimauerint. Ac in ALFENI quidem effato GREGORIUS HALOANDER pro IMPERANTES *implorantes* legendum esse, coniicit, ineptum esse ratus, si aegroti medicis imperare dicantur, quum illi pareant potius, hi, quid aegroto sanitatis recuperandae causa faciendum sit, praescribere soleant. Doctissimus legum veterum interpres, DIONYSIUS GOTHOFREDVS f) HALOANDRI emendationem haud plane improbat; a vulgari tamen et recepta scriptura quare recedamus, nullam adesse arbitratur necessitatem: *imperantem* hoc loco medicum designare, qui remedia morbo laborantibus praescribere, iisdemque sanitatis, aut conservandae; aut reparandae leges indicere soleat.

f) not. ad hunc locum.




soleat. ANDREAS etiam ALCIATVS g) communem et ipso codicum suffragio munitam lectionem haud deferendam esse, putat; vocabulo tamen *imperare* parendi forsitan notionem subiectam olim fuisse, licet sine veterum, quae coniecturam hanc fulciant, testimoniis, suspicatur. CASP. AREIUS b) iis, quibus Alfeni locus corruptus ac deprauatus esse, videtur, haud obscure fauet; addit tamen, si quis verba ista habere sana velit, eadem ex precantium more interpretanda esse, qui id, quod rogent ab amicis, non rogare saepe; sed pro loquendi usu et consuetudine iubere ac imperare videantur. In alia omnia discedit FRANC. DVARENVS i), qui, quod medici difficillimos saepe aegrotantium mores patienter ferre, eorum asperitatem blanditiis frangere ac lenire, multasque illorum ineptias deuorare debeant, haud secus, ac si regis; aut tyranni subessent imperio, hanc ipsam ob causam aegrotos imperare medicis dictos olim esse, opinatur. Vt ALFENI; sic et SENECAE de *aegroto imperante* locus mirum

g) libr. VII. *parerg.* xellae CIOIO CLXVI. edito, *quaest.* VIII. p. 69.

i) libr. I. *disp. anniuersar. cap.* 54. p. 1052. eius *quaestionum campo*, Bru-
operum.

o) not. ad Senetam, tom. I.
operum, p. 798. edit. GRO-
NOVII.



nihil, ratus, mutandum: ipsa scriptoris verba ad salutatorum officia matutina, imperatoribus praestita *p*), esse referenda: loqui philosophum de medicis, aegrotos salutatorum quasi more inuisentibus, hos, vix salutato principe, sine vlla mora discedere: illos, si idem faciant, haud amplam mercedem polliceri sibi posse.

si, quid nos sentiamus, dicendum fit, nec in utroque, Alfeni et Senecae, efato quid mutandum; nec ipsam iubendi notionem, quam constans fere usus vocabulo *imperare* adsignavit, plane negligendam; sed totam hanc agitatam litem ex ipso apud romanos medicorum statu eorumque conditione dirimendam esse, arbitramur. Etsi enim iam tertii et quarti post urbem conditam seculi temporibus ingenuos ciues artis medicae studiosos fuisse, DIONYSII *Halicarnassensis* *q*) testimonio vincere nonnulli voluerunt: *r*) etsi seculo deinde quinto graeca medicina, primis eius-

p) dignus est, qui legatur, IO. IACOB. CLAVDIVS *diff. de salutationibus veterum*, Vltraiecti CIDIOCCII, 12. edita.

q) *libr. x. historiar.* p. 677.

r) legantur IO. HENR. SCHVLZIVS *histor. medicinae, period. II. cap. 6.* p. 431. et HENR. LAMPIVS *de honoribus, priuilegiis et iuribus singularibus medicorum*, p. 86.

eiusdem feminibus cum Aesculapii cultu Romam delatis s), a sacerdotibus, honestissimi ordinis viris, coli coepit atque exerceri t): etsi porro seculo sexto, abrogata et proscripta Archagathi, medici graeci duriore medendi ratione u), Asclepiadis potissimum cura nobilissima haec ars, prout in Graecia ad disciplinae formam redacta fuerat, ad magnum in vrbe honoris fastigium perducta, artibusque, ingenuociue dignissimis, adnumerata fuit x): etsi inscriptiones multorum ab eo tempore haud vilioris fortis medicorum mentionem faciunt iisdemque liberos libertasque disertis verbis tribuunt y): etsi Caesar Augustus li-
ber-

s) conf. *epitomator libri undecimi hist. LIVII et VALERIUS MAXIMVS libr. I. cap. 8. §. 2.*

t) legatur IO. HENR. SCHVLZIUS *loco memorato.*

u) teste FLINIO, *libr. XXVIII. hist. nat. cap. I.* Addatur ex recentioribus IOSEPHVS CARAFA *libr. I. de gymnasio roman. cap. I. §. 8. p. 22.*

x) de Asclepiadis vita eiusque in artem medicam

meritis data opera est commentatus ANTONIVS COCCHI in *discurso primo sopra Asclepiade*, Florentiae, anno praeterito forma secunda, post auctoris mortem ab eius filio RAIMUNDO COCCHI in lucem publicam emissio.

y) vide IAN. GRVTERVM p. 191. XXXI. IO. IOCKXXXIII. 3. MARQVARD. GVDIVM *in script. p. C CXI. num. IO. THOM. REINESIVM synt. in script. p. 611. num. 7. et epist. ad Rupert. XXXV. p. 270. et ANTON. FRANC.*

bertate medicos externos donauit; Augustus vero, in Antonii Musae medici honorem, immunitatem addidit z): etsi postea salutaris haec disciplina in tantam apud romanos venit existimationem, ut singulares medicorum scholae in vrbe essent a), et medicinae professores reliquis liberalium artium doctoribus, ut ex marmore antiquo b) et *codice Theodosiano* c) patet, adiungerentur; a primis tamen reipublicae romanae temporibus usque ad imperatoris Iustiniani aetatem nulla fere nobilior familia seruis medicis caruisse, videtur. Frequens admodum eorum mentio fit in priscis apud GRVTERVM, REINESIVM, GVDIVM et MVRATORIVM lapidibus, ex quibus simul multa illorum olim existisse genera, haud obscure animaduertere licet. Laudantur enim in his d) serui medici CLINICI,

FRANC. GORIVM CO-
lumbiar. libert. et servior.
Liuiæ Augustæ, p. 121.
ollatis BYNCKERSHOE-
CKII obseruationibus iuris
romani libr. III. cap. 7.
P. 245.

2) legatur EARNAB.
BRISSEONIVS libr. II. se-
lectar. ex iure civili antiqui-
tarum, cap. 3.

a) pater id ex lapide antiquo apud GRATERVM p. 10 CXXXII. *in scr. 4.* Ad datur AEGID. MENAGIVS *amoenit. inr. ciuil. cap. 35. p. 223.*

b) apud G R V T E R V M
p XXXVIII.14. p. CXII.3.

c) leg. I. de prof. et med.
tom. V. p. 26. cd. RITTERI.


d) apud LAVR. PI-
GNO.

NICI, CHIRVRGI, OCVLARII, AVRICVLARII, IATRALIPTAE, VALETVDINARIIS PRAEFECTI alique, quos silentio praeterimus. Erat igitur florentissimis reipublicae romanae temporibus, tum et imperatorum aeuo duplex in vrbe medicorum genus, seruale alterum, alterum ingenuum et honestissimae conditionis, illud vulgare, plebeium et, maximam saltem partem, rude atque illitteratum, hoc doctum bonisque artibus institutum et graecae potissimum medicinae disciplinis egregie imbutum.

IAM vero, si aegros medicis imperasse apud romanos, legimus, probe tenendum est, hoc de medicis seruis, et non nisi ea ratione intelligendum esse, vt ipsum, cui subiecti dicantur, imperium ad artis exercitium, quod dominus eorum fieri iussit iubereque potuit; minus vero ad ipsum medendi modum spectasse videatur. Hunc enim si reputamus, conuersa quasi vice summum medicos habere imperium, ipsi romani, perinde ac graeci aliaeque gentes, satis superque agnouerunt. PLINIVS e) de arte medica, *banc vnā, ait, artium,*

IMPE-

GNORIVM de seruis p. e) libr. XXIIII.
71. sq. cap. I.



IMPERATORIBVS quoque IMPERARE. SE-
NECA f), si intrassem, inquit, valetudina-
rium, non idem IMPERASSEM omnibus per
diuersa aegrotantibus. Apud TERENCEM g)
Lesbia, medicinam faciens, in scenam
prodit, signa, fatetur, esse ad salutem; tum
vero pergit:

quod IVSSI ei dari bibere et, quan-
tum IMPERAUI, date,

paulo vero post Simo:

non IMPERABAT coram, quid opus facto
esset puerperae.

Diogenis de hoc medicorum imperio di-
ctum LAERTIVS h) litteris consignauit.
Sic vero iste: ἔλεγε (Διογένης) τῷ Ξενιάδῃ.
τῷ πριαμένῳ αὐτὸν, δεῖν πείθεσθαι αὐτῷ
εἰ καὶ δῆλος εἴη, καὶ γὰρ ἰατρὸς ἢ κυβερνή-
της εἰ δῆλος εἴη, πειθεῖσθαι δεῖν αὐτῷ, dicebat
Xeniadae emtori suo, ipsum sibi, quamuis esset
seruus, obtemperare oportere, nam et medi-
cum et gubernatorem, etiamsi seruum, vi-
que sibi velle pareri. Idem PLATO, idem
alii veteres scriptores fatentur, quorum te-
stimonia apud CASPAR. AREIUS i) le-
gun-

f) libr. I. de ira, cap. 16.

h) libr. VI. de vit. philo-
soph. segm. 31. p. 330.

g) andr. act. III. scen.

i) elys. iucund. quæst.
camp. p. 67. 68.

2. v. 4. et 10.

guntur. At vero, quum hoc medentium imperium artis quasi proprium et omnium, qui morbis depellendis adsciti olim fuere, commune exstitit; tum medicis nonnullis singulare quodammodo apud romanos datum fuisse, legimus, ciuile nimirum et cum honestissimo publico, quo functi dicuntur, officio coniunctum. Ita fuere, quibus in ceteros medicos adsignatum olim fuit imperium, et qui *SVPERPOSITI MEDICORVM* in lapide apud *GRVTERVM* *k)*, in aliis apud *ANTON. FRANC. GORIVM* *l)* *SVpra* *MEDICOS* et *DECVRIONES MEDICORVM* dicuntur. Fuere, vt ex laudato *GRVTERO* *m)* et *THOM. REINESIO* *n)* patet, medici *SEVIRI AVGVSTALES*, de quorum imperio, praeter *MARC. VELSERVM* *o)* et *THOM. REINESIVM* *p)*, *HENRICVS NORISIVS* *q)* est commentatus. Fuere porro in medicis, qui *MAGISTRORVM VICIMUNUS* in se deuolui paterentur, si vera est lapidis antiqui

H 2

tiqui

k) *inscript.* p. 12LXXXI. 7.

n) p. 607. num. 2.

l) *columbar. libert. et ser. uor. Liuiæ Augustæ, inscr.* LXXVI. p. 121. 122.

o) *rerum Vindel. libr. v.* p. 82.

p) *epistol. xxxi. ad Rupertum.* p. 149.

m) p. ccccxxxiii. 4. cccclx. 8. ccccl xiiii. 6.


q) *cenotaph. Pisan. i. diss. 6. p. 118.*

V.

HISTORIA
ASCLEPIADARVM

111021

111021



De medico Prusensi ASCLEPIADE PLINIVS et CELSVS litteris mandarunt, eum non tam vsu medicamentorum; quam victus ratione morbos depellere optimamque sanitatis tuendae rationem in diaetae prudentia figere ac collocare voluisse. Pater id haud obscure ex ipsis scriptorum horum testimoniis, quae vt hoc legantur, tanto magis interesse, arbitramur; quo luculentius rem ipsam, de qua disputatur, stabilire ac confirmare videntur. PLINIVS a) enim, *Asclepiades, inquit, aetate magni Pompeii orandi magister, - - torrenti ac meditata oratione blandiens, omnia abdicauit totamque medicinam ad causam reuocando coniecturam fecit, quinque res maxime communium auxiliorum professus, abstinentiam cibi, alias vini, fricationem corporis, ambulationem, gestationes, quae quum unusquisque semetipsum sibi praestare posse, intelligeret, fauentibus cunctis, vt essent vera, quae facillima erant, vniuersum prope humanum genus circumegit in se, non alio modo, quam si caelo emissus aduenisset b).* Haec

H 4

de

a) libr. XXVI. hist. nat. cap. 3. tom. II. p. 391. edit. HARDVINI, coll. libr. VII. cap. 37.

quando vini, scil. abstinentiam, quod vocabulum antecessit. Quinque vero illa diaetae genera auxilia

b) alias vini, id est ali-

maxime communia dicit PLI-

de Asclepiade PLINIVS, eadem de ipso, quamquam paullo strictius, habet CELSVS c), cuius verba itidem hic adscribenda esse ducimus. *Horum medicamentorum, ait, usum ex magna parte Asclepiades non sine caussa sustulit et quum omnia fere medicamenta stomachum laedant malique succi sint, ad ipsius victus rationem potius omnem curam suam transtulit.* Iam, quis Asclepiades ille fuerit, quum plures eiusdem nominis exstiterunt apud veteres, merito quaeritur. Ac id quidem in praesenti excutere volumus. Necessesse vero est, ut primum de ipsa familia Asclepiadarum nonnulla in medium adferamus.

ASCLEPIADARVM haud vna olim ratio et conditio fuit, si ipsum, quod gesserunt, *Asclepiadis*, vel *Asclepiadae* nomen eiusque diuersum apud veteres usum reputamus. Primum enim nomen istud gentis fuisse videtur, eorum tantum proprium, qui vel ab ipso Aesculapio genus suum deriuarunt d), vel per adoptionem in Asclepiadarum olim transferant familiam e). Ac hi fere

NIVS, ipsum Asclepiadam ea in re sequutus, qui librum singularem de hoc argumento exarauerat, communia auxilia inscriptum, ut CELSVS testatur libr. II. de medicina cap. 14. p. 87. ed. ALMELOVEENII.

c) libr. V. de medic. praefat. p. 241.

d) vid. IO. HENR. SCHVLZIVS *hist. medicinae period. I. sect. 2. cap. 4. §. 28. lq. p. 138.*

e) legatur SCHVLZIVS loco memorato.

fere sunt, qui Aesculapii sacris praefecti in huius dei templis medicinam fecere: qui, accedente ad eius aevi superstitionem calida et quae stuosa fraude f), morbo laborantibus per incubationem sunt opitulati g): quorum medicinae memoriam insignia aliquot graeca marmora ad nostra vsque tempora detulerunt b): qui Ασκληπιάδαι τῷ γένει in antiquis lapidibus i) vocantur: in quorum porro censu & numero Diocles ille Carystius, haud multo post Hippocratis

H 5

mor-

f) dignus est, qui ea de re legatur LVCIANI dialogus, *Alexander* siue *pseudomantis* inscriptus, tom. I. operum p. 746. et ARISTOPHANIS *Plutus*, p. 7. sq. ed. RVSTERI.

g) videatur HERMANNVS CONRINGIVS *exercit. de incubatione in fanis deorum, medicinae causa olim facta*, Helmst. CIOICLVIII. quae recusa est fasciculo *diff. rar. de antiquitatibus sacris et profanis*, a viro cel. IVL. CAR. SCHLAEGERO, Helmst. CIOICCCXXXII. in lucem publicam edito, p. 125. sq. De eodem argumento CAROL. FRID. HVNDERTMARCKIVS disputauit *libro singulari de incrementis artis medicae per expos.* aegroto-

rum apud veteres in vias publicas et templa, Lipsiae, CIOICCCXXXVIII. 4.

b) vide egregium marmor, quod huc apprime facit, apud SMETIVM *inscript.* p. XXVIII. et GRVTERVM p. LXXI. I. aliaeque eius generis monimenta apud HIERONYMV M MERCVRIALEM *de arte gymnastica*, p. 2. sq. Eo quoque pertinent, quae apud TIBVLLVM de Isidis fano leguntur *libr. 1. eleg. 3. v. 27. p. 205.* edit. GRAEVII, et quae ex recentioribus scriptoribus de hoc argumento adtulit HENRIC. LAMPIVS *de honore, priuilegiis et iuribus medicorum*, cap. II. §. 7. p. 43. sq.

i) apud GRVTERVM p. ICXXXIII. I.

mortem clarus *k*), itemque A. ΦONTEΙΟΣ ΦOPTIS *l*) aliique fuerunt: quorum denique genus ac stirpem nonnulli historiae medicae scriptores ex antiquis monimentis contexere, sunt adgressi *m*). Exstincta Asclepiadarum familia, frequentius nomen Asclepiadae vsurpari coepit, aliis cognominis loco, nulla gentis aut vitae habitatione *n*), aliis propter artem, quam profitebantur, id sibi adsciscientibus, et vtili lustri hoc nomine auctoritatem sibi, fidem medicamentis, a se praeparatis, conciliarent.

k) controuersiam de aetate huius Dioclis inter doctos viros agitatam erudite discussit IO. HENRICVS SCHVLZIVS *historiae medicinae period. II. cap. 2. §. XII. p. 337.* Is est DIOCLES, quem CELSVS aliquoties laudat instrumentumque, ab ipso inuentum, commendat, quo tela corporibus infixae, extrahi commodè poterant quodue Graeci ab auctore Διοκλέης γραφίσκον vocant. Legatur CULSVS *libr. VII. de medicina cap. 5. p. 418.*

l) vide IAN. IAC. BOISBARDVM *part. IIII. ant. roman. p. 136.* GRVTERVM *p. 10 CXXXIII. I. et REINESIVM syntagm. in-*

script. p. 609. Forte et huc pertinet smyrnaeus ille ASCLEPIADES apud REINESIVM *class. XI. n. s. p. 610.*

m) conf. DAN. CLERICVS *hist. medicinae part. I. ad finem libri III.*

n) eo spectant marmora apud GRVTERVM *p. XCIII. 8. CXXVI. CCC LXVII. 6. 10CLXXVI. 4. 10CCLVIII. 5. 10CCLXXX. 1. 10CCCXXX. 1. 10CCCXXXII. 8. SPO-NIVM miscell. erud. ant. p. 32. GVDIVM p. CCCXXII. 3. MVRATORIVM p. CIO CXXVI. 8. vt de iistaceamus, quorum FABRICIVS *biblioth. graec. vol. XIII. p. 423. et VOSSIUS hist. graec.**

rent. In quibus sex potissimum sunt, quorum nominis memoria in antiquis libris et monumentis nobis seruata est, probe a se inuicem, ni si nos omnes rationes fallunt, secernendi ac se parandi. *Primus* eorum insignis ille Prusensis est medicus, qui Pompeii magni temporibus floruit, Romanique ingenii sui ac doctrinae fama haud parum illustrauit. Vir multae eruditionis et summae inter aetatis suae medicos auctoritatis, quem STRABO o) inter Bithynos ἀξιολόγους κατὰ παιδείαν ἄνδρας numerat, et cui APVLEIVS p) honorificum hoc et magni ponderis tribuit praeconium, *inter praecipuos medicorum, si unus Hippocrates exciperetur, ceteris principem eum fuisse.* Ac is quidem est Asclepiades, quem veteres Apollonii Erasistratei discipulum fuisse, memorant: quo medico se et amico vsum esse, CICERO q) testatur: qui Chrysippum, Themisonem Laodiceum, Areium Niceratum, Iulium Bassum, Petronium, Sextium Nigrum, Diodotum, Artorium aliosque haud ignobiles medicos r) disciplinae suae alumnos nouaeque a se

graec. III. p. 409. mentionem fecerunt.

o) libr. XII. geogr. p. 849. edit. ALMELOVEENII.

p) florid. p. 362. edit. ELMENHORSTII.

q) libr. I. de oratore cap. 14.

r) videatur de his REINNESIUS not. ad inscript. class. XI. num. 4. p. 609. eiusque epistola XXXXVI.

ad



a se conditae sectae patronos ac fautores habuit, & cuius denique ingenii monumenta COELIVS AVRELIANVS, GALENVS, SCRIBONIVS LARGVS, CELSVS aliique eius et posterioris aevi medici mirum in modum laudare solent ac praedicare. *Secundus*, ASCLEPIADES *iunior* et, ob multa, quae composuit, medicamenta, *Φαειπαιων* dictus, Neronis Domitianique temporibus vixisse, dicitur. Saepe eius mentionem fecit et, quae ille vlceribus adplicari voluit, remedia diligenter et sollicitè descripsit

ad Rupertum, p. 395. Artorius, cuius mentionem fecimus, is est, qui Augusto, bello Philippensi contra Brutum et Cassium aegrotanti, adfuit, vt ex VALE-
RIO MAXIMO *libr. I. cap. 7.* VELLEIO PATERCV-
LO *libr. II. cap. 70. §. 2.* FLORO *libr. III. cap. 7. §. 9.* APPIANO *de bello ci-
uili libr. III. p. 653.* aliis-
que patet, a BERNEGGE-
RO not. in *Suetonium vit. Aug. cap. XIII.* et DVKE-
RO not. in *Florum*, p. 749. laudatis. Addatur GA-
LENVS *libr. I. de differ. morb. cap. 9.* Falla autem sine dubio est coniectura PETRI LAMBECCII *bi-
blioth. caesar. libr. II. cap. 7.* in locum Artorii apud VA-

LERIVM MAXIMVM An-
tonium Musam substitu-
entis. Conf. CAROLVS PA-
TINVS *commentario in an-
tiquum cenotaphium Marci
Artorii medici Caesaris Au-
gusti*, Patau. C1810CL
XXXVIII. 4.

5) de scriptis Asclepia-
dae acturum se in *historia
medicorum*, promisit REI-
NESIVS *locis memoratis.*
Quae historia quum lucem
non vidit, labore hoc fe-
liciter functus deinde est
IO. ALB. FABRICIVS *bi-
blioth. graeca, libr. VI. cap.
9. p. 90.* Asclepiadae huius
imago et monumentum
seruatur apud illustri-
ssimum Alexandrum Alba-
num, quod singulari dis-
sertatione doctè illustravit

psit GALENVS t). Ex quo et coniecturam faciunt nonnulli, nostra quidem sententia haud improbabilem, hunc esse Asclepiadem illum, qui Nicetam sophistam, Plinii iunioris in arte oratoria praeceptorem, graui et perdifficili morbo liberauerit u). In Domitiani imperatoris tempora incidit quoque illius Asclepiadae aetas, cui tertium in hoc veterum medicorum coetu locum adsignandum esse duximus. Memoriam eius nobis commendat lapis REI-

NESIA-

BLASIVS CARYOPHILVS. Legitur ea parte primae dissertationum miscellanearum, quae Romae MDCCCXVIII. prodierunt, et gallice versa in CLE-
RICI historia medicinae. Amstelodami MDCCCXXIII. 4. in lucem publicam edita, p. 410.

t) testimonia GALENI, quae huc faciunt, collegit REINESIVS epist. XXXVI. ad Rupertum p. 395. ex REINESIO depromsit IO. ALB. FABRICIVS biblioth. graec. libr. VI. cap. 9. p. 89. De tempore, quo Asclepiades hic iunior vixerit, si quaerimus, tota res facile expediri posse videtur ex duobus GALENI et TACITI effatis. Ille enim Asclepiadam post Chari-

clem vixisse tradit, libr. II. de comp. med. s. I. cap. 2. num. 7. Chariclem autem TACITVS dicit medicum Tiberii aetate arte insignem, libr. VI. annalium cap. 50.

u) eius enim corpus ad tantam molem et crassitudinem adcreuerat, ut loco moueri haud posset. Conf. GALENVS libr. de differ. morb. cap. 9. Nicetam hunc PLINIUS in arte oratoria magistrum habuit, ut ipse libr. VI. epist. 6. p. 407. testatur. Plura de ipso habentur apud LIPSIVM not. ad AVCTOREM de causis corruptae eloquent. cap. XV. Meminit eiusdem Nicetae SENECA controu. XXV. et PHILOSTRATVS libr. I. de vitis sophistar. p. 510.



NESIANVS; quo is L. ARRVTIVS SEM-
 PRONIANVS ASCLEPIADES IMP. DOMITIA-
 NI MEDICVS vocatur. Quum lapis iste
 ex Arruntia gente Asclepiadam hunc fuisse,
 manifeste docet, qui forte, vt ex eius
 cognomine suspicari licet, in Sempro-
 niam transierat, non sine veri specie ad
 eius Arruntii familiam pertinuisse, vide-
 tur, quem PLINIVS y) Cassio, Calpetano
 Albutio Rubrioque adiungit, medicis
 olim celeberrimis, quibus, vt ibidem re-
 fert, *ducena quinquagena* H. S. apud prin-
 cipes constituta fuerint. Quartus medicus
 CALPV RNIVS ASCLEPIADES, Traiani,
 Adriani et T. Antonini temporibus admo-
 dum clarus et honoratus, summo iure As-
 clepiadarum nostrorum classi adnumeran-
 dus esse videtur. Cuius memoria sine du-
 bio hodie plane interiisset, tacentibus de
 eo, quantum nos quidem scimus, priscis
 scriptoribus cunctis, nisi inuiolatam eam
 ad nostra vsque tempora detulisset insigne
 antiquitatis monimentum yy), Asclepiadae
 huic

x) class. XI. num. 3. p. Hofmann. et Rupertum
 608. num. XXXXI. p. 328. et

y) libr. XXVIII. hist. XXXXIII. p. 394. et
 natural. cap. I. p. 494. edit. SPONIVM in *recherch. cu-
 HARDVINI. riens. d'antiquité, diff.*

yy) apud RHINESIVM XXVII. p. 431. Idem
 in script. class. XI. num. 4. p. marino exhibent ALME-
 608. coll. eius epistolis ad LOVEENIVS *notis ad*
 Stra-

huic honoris causa positum sicque comparatum, ut amplissimo eum loco et summis honoribus dignum olim habitum fuisse, satis et abunde ex isto pateat. Dicitur in eo PRVSA AD OLYMPVM MEDICVS, ex quo cum REINESIO 2) ad suspicandum ducimur, Prusensis illius Asclepiadae, quem primo loco nominauimus, non solum ciuem; sed etiam gentilem, immo heredem artis et forte nepotem eum fuisse. SEPTEM PORRO CIVITATES A DIVO TRAIANO Asclepiades hic impetrasse dicitur, non quod ipsis ciuitatibus, ut nonnulli voluere a), donatus ab imperatore fuit; sed propter tot ciuitatum iura, quae honoris et beneuolentiae causa est consequutus, istius aevi more et consuetudine, qua vrbes nobiliores viris bene de se deque republica meritis ciuitatis ius imperitare eosque in ciuium suorum numerum refer-

Sirabonem, 1p. 850. HENR.
LAMPYVS de honore, priui-
legiis et iuribus medicor. p.
110. ET DAN VINCKIUS amoe-
nitat. philol. medicis, p. 169
z) not. ad inscript. p. 608.

a) videantur, quae eam
in rem contra SPONIVM
monuit DAN. VINCKIUS
amoenitatibus philologico
medicis sect. II. cap. 5. §. 6.
p. 169. coll. CLERICO hi-
stor. medicinae part. II. libr.
III. cap. 10. LAMPIO

*diff. de honore, privilegiis
et iuribus medicorum, p.
110. et, qui instar omnium
esse potest, EZECH. SPAN-
HEMIO orb. rom. p. 28. et
29. edit. Londin. Quae
in nostro lapide de septem
ciuitatibus, Asclepiadae a
Traiano donatis, legun-
tur, egregie illustant ver-
ba CICERONIS orat. pro
Cornel. Balbo, cap. XII. p.
547. et pro Archia poeta. p.
300. et GRAEVII.*

referre solebant. Additur denique de Asclepiadae huius honoribus, summos eosdem et amplissimos in republica fuisse. **STVDIORVM ENIM ET MORVM CAVSSA**, verba sunt marmoris, **PROBATVS A VIRIS CLARISSIMIS ADSEdit MAGISTRATIBVS POPVLI ROMANI**, sicque medici ac iudicis personam aequae sustinuit, magistratusque, ob praeclara in rempublicam studia, ob singularem erga ciues fidem et probitatem, verbo: ob morum integritatem et praestantiam sibi commissos, egregie et laudabiliter administravit. Sed satis de hoc medico. Sequantur bini vltimi, quorum is, quem ordine *quintum* esse volumus, nominis sui memoriam et ad nostra tempora propagationem, haud secus ac *Prusa* ille *ad Olympum medicus*, merito acceptam fert antiquo lapidi, quem apud **GRVTERVM b)**, iuxta amphitheatrum Romae effossum esse, legimus. Cognitus ex eo nobis fit Augusti quidam libertus, **T. AIAIOC ACKAH-ΠΙΑΔHC IATPOC AOTΔ. MAT. XEIP. medicus iudi matutini chirurgus**, vir attentione nostra eo magis dignus, quo luculentius, nisi nos omnia fallunt, istius pariter ac Eutychi *c)* et C. Austurnii *d)* exemplum docere nos videtur, singulares olim Romae ludorum fuisse medicos, qui graeco more me-

dici-

b) p. cccxxxv. 1.

d) apud eundem p.

c) apud **GRVTERVM p. LXV. 3.**

cccxxxv. 3.

rei-

f) egregie id monstra-
uit cel. CHRISTOPH. SA-
XIVS *lapidum vetustorum*
epigrammatibus, p. 11. sq.
coll. HANNIBALE DE
ABBATIEVS OLIVERIO
not. ad marm. Pisarenfia,
p. 23.



reipublicae. Ambo adfident aegrotantium lectulis eodem cum fructu, quo iudicum occupant subsellia. Ambo ciuibus ad sanitatem, ad salutem ciuitati summo sunt praesidio.

IN hac Asclepiadarum familia is, quem ducere agmen volumus, omnium consensu auctor illarum de victu legum habetur, quibus primariam valetudinis curandae rationem contineri, et ipse, et multi eius discipuli existimarunt. Neque vero non praeclare et recte de summa ad conseruandam restituendamque valetudinem sobrii victus necessitate Asclepiadam nostrum pronuntiasse, fatendum est, si modo, quae eius ea de re mens, quae sententia, quod consilium fuerit, rite et vti decet, intelligamus. Neutiquam enim in morbis et salutarem medicamentorum vim et sapientem eorum vsum plane reiecisse; sed hoc tantummodo voluisse videtur, in quo prudentissimum quemque medicorum secum consentientem habebit, ad bonam valetudinem tuendam permultum victus rationem valere: multis medicum haud opus fore, si cibo et potu aliisque communibus diætæ auxiliis prudenti et ad corporis sui naturam accommodata ratione vterentur: esse naturae vires saepe sic comparatas, vt debilitatae solo cibo et potu recreari, amissae sobrio victu reuocari queant, sine fomento; aut vnguentis iatraliptarum; aut succis; aut potionibus, infinita, vt medici veteres nonnunquam solebant, herbarum copia praeparatis.

VI.

DE MEDICINA
VETERVM
LAPIDARI

VI

DE MEDICINA
VETERUM
L. P. D. V. I.

Quum animaduertimus, veteres chirurgos singulare quoddam λιθολογίας genus ad disciplinam suam traduxisse, neminemque eorum facile fuisse, quin aliquam saltem lapidum συλλογὴν, exercendae potissimum artis suae causa, institueret, rem haud iniucundam nos suscepturos, arbitrati sumus, si quaedam de lithologia veterum chirurgica commentaremur. Fuit olim tempus, quo permultis lapidibus vis quaedam salutaris, inprimis ad sananda vulnera et ad restituenda laesa corporis humani membra, tribueretur. *Achatem* idcirco ORPHEVS a) commendat iis, qui venenato scorpii ictu vulnerarentur iubetque eum ἀερίάζειν περὶ ἑλκεῖ λυγρῶ, ἢ μιν ἐπιπάσσειν, imponere vulneri exitioso aut inspergere, eius nempe puluerem. *Saphiro* multas virtutes tribuit DIOSCORIDES b), etiam in tollendis externis prauitatibus corporis, quales σαφυλώματα sunt et φλύκταιναι et ῥήξεις τῶν ὑμένων, excrescentia in oculis, pustulae et rupturae membranarum. Idem c) *mempbitae*, siue, ut alii eum vocant, *ophitae* lapidi hanc

13


vim

a) λιθικοῖς, cap. XVI. p. 761. ῥεικῆς, libr. V. cap. 157. 343. operum, edit. G. E. S. p. 311. edit. Parisin.

NERI.

b) libr. V. περὶ ὕλης ἰα-

c) ibid. cap. 158. p. 312.



vim adscribit, efficere, quum tritus et illitus fuerit, ἀνααισθησίαν ἀκίνητον, insensibilitatem minus periculosam in ea corporis parte, vbi aliquid vrendum sit, aut secundum. Eamdem facultatem lapidi huic etiam adsignat PLINIVS d). Vult eum contusum et cum aceto mixtum corpori illini, quo facto, sic obstupefcere, ait, corpus, vt nullum sentiat cruciatum. Ac has quidem aliasque multas virtutes περιεργυιὰς lapidibus impertire solent medici veteres, nominatim lapidi nephritico e), chabazio f), armenio g), pumici h), lapidi phrygio i), assio k), pyritae l), schisto m), lapidi arabico n), galactitae o), morochtho p), ostracitae q), geodi r), melititae s), gagatae t) aliisque, in quibus hoc obseruauimus,

d) libr. XXXVI. hist. natur. cap. 7. p. 644.

e) apud ORPHEVM, λιδιαις, cap. XVIII. p. 351.

f) apud eundem, cap. XX. p. 353.

g) vid. DIOSCORIDES libr. V. libri memorati, cap. 105.

h) id. cap. 125.

i) ib. cap. 141.

k) conf. PLINIVS libr. XXXVI. hist. natur. cap.

17. p. 671. et DIOSCORIDES libr. V. cap. 142,

l) apud PLINIVM libr. mem. cap. 19. p. 673. et

DIOSCORIDEM, libr. V. cap. 143.

m) legatur DIOSCORIDES laudati libri cap. 145.

n) idem, ib. cap. 149.

o) apud eundem cap. 150.

p) cap. 152. DIOSCORIDIS.

q) teste PLINIO libr. XXXVI. cap. 19. p. 673.

r) ibid.

s) ibid.

t) ibid. p. 674.

nonnullos ad vulnera, inprimis ad vlce-
ra fananda, et contra morsus animalium
venenatorum, alios ad sistendum sangui-
nem, alios ad leniendos sectionis et vstio-
nis dolores, ceteros in curationibus ocu-
lorum, quae manu fiunt et quae scalpel-
lum desiderant, tum etiam, quae dentium
caussa instituuntur, adhibitos fuisse. Sic
de *Affio* lapide PLINIVS u) et DIOSCORI-
DES x) narrant, eum, cum melle mix-
tum, vetera vlcera ad cicatricem perdu-
cere, excrescentia erodere, suppurata sic-
care; de *ostracite* vero y), eum, contritum et
cum melle illitum, dolores mammarum sa-
nare, vlcera implere et carnem alere. *Me-
litites*, confusus et cerae mistus propter fau-
cium exulcerationes, PLINIO z) teste, in chi-
rurgorum remediis locum olim tenuit, *pu-
micem* vero, tum *pbrygium* lapidem et *mo-
rochthum* iidem commendarunt, si vlcera ad
cicatricem redigenda, aut excrescentia co-
hibenda erant, vt ex DIOSCORIDE a) patet.
Affio, *adamante*, aliisque lapidibus subue-
niri iis posse, creditum olim fuit, qui vipe-
rinis, aut alius animalis venenati, dentibus
icti fuerant, id quod PLINIVS b) diserte te-
statur.

I 4

u) libr. XXXVI. cap. 17.

p. 671.

x) libr. V. cap. 142. p.

308.

y) PLINIVS libr. XXXVI.

cap. 19. p. 673.

z) loco modo memorato.


a) libr. V. cap. 125. p.

302. cap. 141. p. 308. cap.

152. p. 311.

b) libr. XXXVI. cap. 17.

p. 671.



statum. Singularem ἀναιθησιῶς vim, quam *memphitae* veteres adiudicarunt, tum, quum secundum aut vrendum chirurgus esset, supra ex PLINIO c) cognouimus, qui et insuper, ad ipsam vitionem instituendam, *pilam* commendat *crystallinam*. In primis multos oculorum morbos lapidibus depelli posse, constans olim chirurgorum opinio fuisse videtur. *Magnetem*, *geodem* et *aethiopicum* lapidem idcirco laudat PLINIVS d), hunc, ait, ad multa medicamenta ὀφθαλμικὰ vtilem haberi, in illo eandem salutarem inesse vim, istum vero admodum prodesse oculis, fisti enim eodem epiphoras, sanarique adusta, quum crematus inque puluerem redactus fuerit. *Pumex* et *pyrites*, DIOSCORIDE e) auctore, oculorum caliginem dissipant aliisque eorum morbis medentur, lippitudinem vero *galactites* aufert, vt ex eodem scriptore f) discimus. *Gagates* lapis, vino coctus, in dentium olim medicamentis fuit, si fides habenda PLINIO g), *arabicum* vero lapidem ad illos frictione purgandos vtilem habitum fuisse, perhibet

p. 671. libr. XXXVII. cap.

4. p. 712.

c) libr. XXXVI. cap. 7.

p. 644. coll. libr. XXXVII. cap. 2. p. 702.

d) libr. XXXVI. cap.

16. p. 670. cap. 19. p. 673.

cap. 22. p. 679.

e) libr. V. cap. 125. p.

302. cap. 143. p. 309.

f) libr. V. cap. 150. p.

311.

g) libr. XXXVI. cap. 19.

p. 674.

bet DIOSCORIDES *b*). Ac de his quidem lapidibus et, quibus isti nominibus hodie soleant insigniri, multa dici possent ac commemorari, quae breuitatis causa intacta relinquimus. Vnicum tamen hic in praesenti quaerere liceat: cuius generis et indolis lapis ille fuerit, quem ORPHEVS *i*) κορυφώδην adpellat, eiusque usu non solum fugari, ait, scorprios, sed etiam morsus eorum admodum feliciter sanari. Lapidem hunc etiam λίθον κορσιόεντα dicit, quum vero utrumque vocabulum nusquam alibi, nedum in iis scriptoribus, qui nullum facile lapidum genus praetermiserunt, legatur, coniectura, ut nobis quidem videtur, haud improbabili ducimur, ut pro κορυφώδης κορσιόεντα legendum et pro κορσιόεντα, participium verbi κορσῆν, nempe κορσωθέντα, substituendum esse, statuamus. Corsoidem vero in lapidum numero olim fuisse, PLINIVS *k*) testis est, qui coniecturam nostram hoc ipso confirmat, quod lapidem hunc eodem fere modo, quo ORPHEVS *l*) suum κορυφώδην, describit. Ille enim senis capillo, siue canitiei hominis similem eum esse dicit, hic vero: τὸν μὲν ἐγὼ, inquit, κόρση μάλ' εἰκότα Φημὶ βροσίῃ, *hunc quidem ego capillo humano admodum similem dico.* Vnde κορ-

I 5 σωθέν-

b) libr. v. cap. 149. p. 310.

k) libr. xxxvii. cap. 10.

i) λιθικοίς, cap. xiiii. p. 743.

p. 332.

l) cap. xiiii. v. 4. p. 332.



σωθέρ] *a crinitum* adpellat, quoniam sine dubio, vti gemma *polia* apud PLINIVM *m*), lineas subtilissimas albas, capillo senis similes, referebat. Quare ex achatum numero eum fuisse suspicamur, cum quod id lapidum genus haud raro subtilissimos linearum ductus, quorum multi oculorum aciem paene effugiunt, imitatur, tum vero maxime propter alia achatum adfinia nomina, ducta vel a lineis, vel a maculis, quae vt in iis insint, haud raro accidere solet. Quae in re hoc potissimum tenendum est, eos, qui lineis signati, a crinibus, qui maculis, si aliquam imprimis transmissere lucem, ab oculis nomen accepisse. Vnde achates, *crinis Veneris* dictus, vnde alius *lycophthalmos*, et *Adadu oculus*, apud PLINIVM *n*), quorum ille a lupo, cuius oculo similis erat, hic a Syrorum deo Adado, de quo apud HESYCHIVM *o*), nomen suum est nactus. Iam vero, quid iudicandum sit de eiusmodi chirurgicis virtutibus, quos in his lapidibus inesse, veteres arbitrati sunt, haud immerito quaeri posse, nobis videtur. Nemini facile hoc potest esse incognitum, etiam nunc reperiri haud vnum lapidum genus, in chirurgorum vsum rece-

m) *libr. XXXVII. cap. 12. p. 755.*

o) *lexic. p. 21. coll. SALMASIO exercitat. Plinia-*

n) *libr. XXXVII. cap. XIII. p. 753.*

nis, p. 248.

receptum et ciuitate quasi donatum: haematite, ne exempla defint, in manu defento, inhiberi narium sanguinis fluuium, osteocollam commendari ad ossa fracta firmanda, schistum ad tunicas praeternaturales, in oculorum tunica cornea auferendas, tophum thermarum et lapidem spongiae ad efficiendum puluerem, quo dentes fricantur, magnetem, quod haud ita pridem patuit, ad dentium dolores sedandos. Neque et hoc negari potest, inesse et inesse posse virtutes in aliis lapidibus, hodie vel ideo parum vsitatis, quod in eorum locum vsus et experientia chirurgorum recentiorum alia medicamenta substituit, illis longe faciliora et praestantiora. Hoc tamen simul certissimum est, priscae aevi et ignorantiam et fraudem maximam supra dictorum lapidum partem in chirurgorum disciplinam traduxisse. Quum enim veteres vim salutarem eiusque rationem raro in ipsis partibus, quae lapidis genus efficiunt, sed plerumque in rebus, quae lapidi tantummodo accidunt, quaesiuerunt, magnum sane hoc eorum inscitiae documentum esse videtur. Quod vero remediis per se optimis, sed vilissimis pretium conciliare studuerunt accessu lapidum non vbiuis obuiorum et quibus medicamentum ipsum non efficacius, sed carius reddebatur, quid hoc est aliud, quam

VII.

DE PYRRHONISMO
MEDICORVM
VETERVM

III.


DE PYRITONISMO

MEDICORUM

RETRACTA

MEDICORVM antiquissimos, eos maxime, qui in Aegypto olim fuere, vsus potissimum erudiuit, experientia confirmavit. Horum quisque studiose colligebat litterisque consignabat, quibus aegrotus vsus fuerat remediis, quae medicina imbecillior, quae fortior fuerat morbo, tum qua ratione quisque in pristinam sanitatem fuerat restitutus, vt, si in aliis aegrotantibus idem se ipsis offerret morbus, paratum statim et optimum haberent aduersus eundem auxilium *a*). Haec fuit in Aegypto medicinae ratio, quæ vnice fere in longo rerum vsu multaque experientia sita fuit et collocata. Postea vero, quum litterae ex Aegypto in Graeciam migrarent, et sapientiae studia sedem ibi figerent, non defuere ex illius aetatis medicis, qui de morbis quoque philosopharentur et, quae maiores vsu atque experientia didicerant, ad principia et causas primas reuocare ipsaque veterum de morbis praecepta ad artis et disciplinae formam traducere studerent. In quibus multi olim clarissimi nominis viri, qui, quum eam ad rem rite perficiendam philosophiae studiis tuto se carere haud posse, existi-

a) conf. BARCHHVSENIUS *de medicinae origine et progressu* diff. I.



existimarent, in philosophorum quoque disciplinam tradere se et artem medendi cum horum placitis coniungere coeperunt. Permultae vero tum in Graecia fuere philosophorum sectae, familiae et disciplinae, aliis aliam philosophandi rationem ineuntibus, vnde aliter fere fieri vix potuit, quam vt et medici modo ad huius, modo ad alius doctoris partes rapi se paterentur. In quibus haud pauci fuerunt, qui non omnes philosophantium sectas medicinae studiis aequae adcommodatas esse, sibi persuaderent, sed aliam alii ea in re praeferrent hancque reliquorum optimam et ab artis salutaris cultoribus adpetendam esse crederent, quae medico securam aperiret viam ad veram et haud fucatam rerum cognitionem, ad tutissimam valetudinis humanae curationem et ad salutarem medicarum disciplinarum vsum. Quod quidem eadem fere ratione factum nobis videtur, qua postea Romae iurisconsultis stoica potissimum philosophia, tum platonica christianis doctoribus commendari solebat, vt-pote horum studiis et placitis magis congruens atque conueniens, quam reliquae philosophorum sectae. Eadem fere olim, medicorum ratione habita, in Graecia persuasio fuisse videtur. Vnde, nisi nos omnes rationes fallunt, factum, vt permulti crederent, vt quisque medicus in
sua

sua arte optimus et praestantissimus esse et videri cuperet, ita maxime ipsi pyrrhoniam philosophiam esse excolendam, philosophiam, quae experientiam et sensuum iudicia postularet, non sola ratiocinia, quibus medicus decipi saepe insigniter possit. Quare non mirum hoc nobis debet videri, si in medicorum graecorum numero pyrrhoniae sectae amatores et strenuos defensores animaduertamus, inque his, ne exempla desint, XEUXIN, de quo DIOGENES LAERTIUS *b)* memoriae prodidit, eum pyrrhonium philosophum fuisse, et ad magistri sui exemplum non nisi τὰ Φαινόμενα, id est, quae sensibus perciperentur, quae experimentis, non meris ratiociniis niterentur, admittere voluisse. Ac hic quidem Xeuxis, ut omnes rationes suadere videntur, vix potest esse alius, nisi medicus ille huius nominis, qui in medendi arte Herophilum potissimum, medicorum hippocraticorum facile principem, sectatus est, virum egregium, qui omnem fere suam artis scientiam experiundo sibi comparasse, professus est, medicis sine experientia philosophantibus, qui nil nisi fallaces conclusiunculas nectere didicerant, infensissimum. Ac id quidem nullam fere aliam

ob

b) vit. philos. libr. IX. segm. 106. p. 598. ed. MEIBOMII.

ob causam, quam quod diuturna rerum naturalium et earum, quae corporibus humanis accidunt, obseruatione certissime cognouerat, saepe haud tuto confidendum esse principiis illis, quae eius aetatis philosophi pariter ac medici sibi finxerant, et ex quibus omnia deducere ac demonstrare se posse, aliis persuadere volebant. Qua ex re permagnam sibi conciliauit famam, inprimis quod philosophorum in rebus medicis ratiocinia saepe admodum fallentia esse, egregiis experimentis demonstrare poterat. Quo et factum est, ut perpetuis suis, quas institueret solebat, obseruationibus multas medicorum de corporis humani partibus sententias emendaret, cerebri exempli causa et neruorum doctrinam perficeret c), vasa lactea primus animaduertit d), venarum ictus et percussus rationem e), modum

c) Herophilus enim videtur auctor esse illius distinctionis, quam apud RVFVM EPHESIUM de *adpellat. corp. hum. part. libr. 1. cap. 22. et 35.* deprehendimus, et pro qua nerui alii sensorii dicuntur motuique voluntario seruietes, alii copulatiui, qui circa artus sunt, tum tendines,

ex musculorum finibus prodeuntes.

d) conf. GALENVS de *usu partium libr. IIII. ad finem.*

e) videatur PLINIUS *libr. XI. cap. 88.* Anatomiae vero adeo operam dedisse Herophilus fertur, ut homines sexcentos viros naturae cognoscendae gratia

dum porro respirationis *f*) et multa alia ostenderet, quae adhuc medici omni sua in demonstrando subtilitate excutere, aut ex tantis ratiociniorum dumetis ac vepribus indagare ac reperire haud poterant. Quae quidem nos omnia eam potissimum ob causam hic memoranda esse duximus, ut, quare Xeuxis et alii, qui ex Hippocratis et Herophili schola prodierunt, medici pyrrhoniam philosophandi rationem sectati sint, ex infra dicendis tanto luculentius pateat.


XEVXI adiungimus **TIMONEM PHLIASIVM** medicum, cuius vitam **DIOGENES LAERTIVS** *g*) descripsit. Is itidem Pyrrhonem in philosophia ducem sibi elegit, tresque fillorum libros reliquit ἐν οἷς, ut **LAERTIVS** ait, ὡς ἂν Σκεπτικὸς ὢν, πάντας λοιδορεῖ καὶ σιλλαίνει τὰς δογματικὰς ἐν παρωδίας εἶδει, in quibus, utpote scepticus, in omnes dogmaticos, versus poetarum veterum imitando, maledicta atque conuitia ingerit, in dogmaticos nempe, id est, eos medicos, qui artis medendi dogmata non nisi ratiociniis niti, abditos causarum recessus philosophando perscrutari neque naturam ipsam usu atque experientia ex-

K 2 plo-

tia disseccaret, facinorosos nempe et a regibus e carcere dimissos,

f) conf. SCHVLZII *hist. medicinae* p.390.

g) *libr. IX. segm. 109.*



plorare volebant. Post Timonem **MENODOTVS** *Nicomediensis* fuit, arte sua, quam profitebatur, medicus, philosophia, quam ad studia sua adhibuit, pyrrhonius, vnde cum **LAERTIVS** *b)* noster ἰατρὸν ἐμπειρικὸν vocavit, quod is, haud secus ac omnes medici pyrrhonii, omnem medicinam, quae non nisi philosophica et sine usu atque experimentis erat, in fallacium fucosarumque mercium loco numeroque habebat. Tacemus de aliis eius generis medicis, nominatim de **SEXTO SATVRNINO**, deque **SEXTO EMPIRICO**, de quo inprimis multa ad nostram rem, quam disputamus, forent dicenda, nisi ad alia iam properandum nobis esset. Quis enim huius medici in Pyrrhonis philosophiam ignorat summa merita, et quam egregie is vndecim illis aduersus mathematicos libris ostenderit, quam caute, quam provide agere debeat verus philosophus, ne falsis opinionibus irretitus et occupatus, naturae contemplationem, usum rerum et experientiam omittendo, decipi se patiatur?

IAM vero, quae potissimum res philosophiam pyrrhoniā medicis veterum graecorum commendauerit, non sine causa quaerere quispiam posset. Quid nobis ea de re videatur, paucis dicemus.

Pyrrho

b) libr. ix. segm. 116.



nisi in usu et experientia quaerenda esse, negare posse arbitramur neminem. Postea vero, iam ante Hippocratis tempora, accessere ad hanc artem philosophi, quumque hi omnem medendi artem certis principiis concludi posse, existimarent, ex quibus omnes morborum causae deduci, omnia morborum *φαινόμενα* explicari et cuncta, quae morbo laborantibus accidunt, deriuari possent, factum est, ut, posthabito omni fere operoso experientiae propriae labore, ars ista salutaris nouam plane indueret faciem, et medici, qui his rebus delectabantur, magis de morbis philosophari, quam eorundem naturam rite usu explorare viderentur *k*). Quae quidem omnia non sine damno verae illius cognitionis, quae a medico requiritur, fieri, quum alii satis tempestiue viderent, cognoscerentque simul, admodum periculosum esse, se suamque sanitatem eiusmodi medicis philosophantibus committere; surrexit HIPPOCRATES, atque ut CELSVS *l*) ait, primus ex omnibus memoria dignis ab studio sapientiae disciplinam medicorum separauit, id est, suo exemplo, tum voce ac scriptis docuit, non

k) conf. AVETTER libri
de veteri medicina, qui HIP-
POCRATI tribuitur,

l) praef. libri I. de me-
dicina p. 3. edit. CRAVSII.

non eum esse bonum medicum, qui mendendi artem non nisi ex philosophiae fontibus ac riuulis haurire vellet, sed illum veri medici dignitatem atque honorem defendere ac tueri, qui cum veterum medicorum usu, experientia, placitis ac praeceptis propriam *ἐμπειρίαν* arctissimo vinculo coniungat, inque hac verum omnis medicinae quaerat praesidium ac fundamentum. Itaque Hippocrates, medicorum disciplinam a philosophiae studiis separando, neutiquam haec plane excludi et a medico seiungi voluit, sed in ea tantum, eaque, ut nobis videtur, rectissima sententia fuit, a philosopho non posse formari medicum, sed illum ibi incipere, ubi hic desinat: per experientiam visorum et repletorum veras morborum causas quaerendas esse: rerum naturae intimam cognitionem fundamenti quasi loco adesse debere in medico: his duobus praesidiis, non sophistica demonstrandi subtilitate aut aliis eiusmodi nugis atque ineptiis, armatum atque instructum esse debere, qui decumbentibus opem ferre, morbos propulsare corporaque in pristinam sanitatem restituere velit *m*).

K 4

POST


m) Legantur G E O R G. *die sapientiae non omnino se-*
 AVG. LANGGVTHIVS de *parante, Vitemberg.*
Hippocrate medicinam a stu- C I O I O C C X X X X I I I I . 4 .
 FRID.

K 5

dic-

MERMANNVS libro I. von
der Erfahrung cap. 3. p. 49.

r) quales hi fuerint, fuisse
doct



dicorum campo proscribi atque exterminari coepit, adeo, ut ne rationalem quidem *διαίτητικὴν* admitterent, sed tanquam inutilem spernerent ac repudiarent. Quae quidem in re parum recte neque satis prudenter egisse nobis videntur Herophili sectatores, quod omnem philosophiae in medicorum disciplinis utilitatem negarunt, neque hoc respexerunt, alium esse verum philosophum, alium plebeium, qui non nisi minutias confectetur, sobriumque philosophiae usum ab eiusdem abusu in medicina probe esse secernendum, neminem quidem ex philosophorum scholis medicum posse fieri, sed quum factus sit, iisdem eatenus insigniter adiuuari posse, quatenus non solum ea, quae usus et experientia docuit, ad iustam et legitimam disciplinae formam redigere philosophia doceat, sed etiam nos instruat, quid in observatione rerum naturalium certum, quid incertum, quid verum, quid dubium adhuc sit, et qua demum ratione *Φαινόμενα* ad veram inuestigandae veritatis rationem redigantur s). Quae quidem omnia ipse

GALE-

docet CLERICVS *hist. de la Medicine part. II. p. 35.*

s) Legi inprimis hic meretur iudicium, quod medicus quidam anony-

mus de his empiricorum et rationalium medicorum controuersis tulit, insertum CLERICI *historiae medicinae, part. II, cap. 6. p. 65.*

GALENVS suo exemplo perquam egregie confirmat, cuius verba digna sunt, quae hic legantur ¹⁾). Vt ea, quae vsu atque experientia didicisset, etiam artificiose demonstrare posset, stoicorum et peripateticorum philosophorum scholas diligenter se frequentasse, ait, didicisse logicorum theorematum multa, sed postea, iis, quae didicerit, rite excussis, *inutilia se hacc ad apodixes*, ad demonstrationes medicas, inuenisse. Vidisse, *in his omnibus logicorum eius temporis quaestiunculis paucissima esse, quae utilitatem aliquam adferre medico possint*. Reperisse se multa, ab his philosophis agitata, disputata, demonstrata, quae *naturali rationi*, experientiae nimirum, plane fuissent contraria. Parum igitur abuisse, quin ad pyrrhonorum sectam se contulisset, et horum more de omnibus rebus dubitare coepisset, nisi a patre et auo sanum et sobrium philosophandi genus adhuc iuuenis didicisset, atque cognouisset, talem philosophiam, qualis olim floruerit, medico et praesidio esse et summo ornamento. Quam caute, quam prudenter summus hic medicus philosophiae verae in medicina vsum ab eiusdem abusu secernit, quam sapienter medicorum philosophantium

¹⁾ libro de libris propriis, p. 46. edit. Froben. c1010
xxxxii, fol.

tium demonstrandi libidinem ipsarumque demonstrationum futilitatem a vera medica ἀποδείξει, ad quam sana philosophia nos ducit, distinguit, secus ac illi medici, qui omnem *rationalem* in medicina disciplinam reiicere atque ex medicae artis finibus exterminare voluerunt, et cuius generis Philinum Coum fuisse, GALENVS u) ipse docet. *Empiricae*, inquit, praefuit *Philinus Cous*, qui *primus medicinam a rationali disciplina abscidit*, occasione ab *Herophilo suo praeceptore accepta*. De Serapione vero idem fere adfirmat CELSVS x), eum primum omnium, nihil hanc rationalem disciplinam pertinere ad medicinam, professum, in usu et experimentis eam tantummodo posuisse.

u) *isagoge*, haud procul ab init., p. 186. operum.


x) praef. libr. I. de medicina.



VIII.

DE MORBIS
VETERVM
OBSCVRIS





VIDEMVS, a nonnullis hanc quaestio-
nem in medium adlatam esse, vtrum
prisca aetate eadem, quae nostra aetate,
morborum omnium fuerit ratio, an quibus-
dam forte obnoxii fuerint mortales, quos
nondum adhuc obseruauerit recentioris et
huius imprimis seculi medicorum sollertia.
Cuius quidem quaestionis excutiendae oc-
casionem dare videtur ARETAEVS medi-
cus, signorum, vnde morbi genus con-
stat, iudex olim sagacissimus. Quum enim
is ad aegrotantium lectos haud pauca vi-
dit visaque litteris consignauit, quibus eius
aetate morbus ipse sese manifestauerit,
quum ex collectis et comparatis inter se
signis ipsum morbi genus definire ac de-
scribere studuit, solent nonnulli, quum
eiusmodi signa non amplius sese prodant,
ex hoc ipso efficere, Aretaeum aut pa-
rum adcurate morborum signa obseruasse,
aut fuisse olim vnum alterumue morbi ge-
nus, quod hodie non amplius excruciare
genus humanum soleat. A negligentiae
suspensione liberat Aretaeum summum il-
lud et paene incredibile obseruandi stu-
dium, quod vbique ex eius de causis et
signis morborum libris elucet. Quare
necesse est, vt de eo videamus, vtrum re
ipso



ipsa ARETAEVS signa morborum suppeditauerit, ex quibus, quod hodie non sunt, insolens et nostro aeuo inusitatum morbi genus olim existisse, efficere liceat. Ac id quidem non plane negari posse videtur. Ad hunc enim censum referri a nonnullis scimus, quae ARETAEVS *περὶ τῆς κατὰ κοίλην φλέβα ὀξείης νόσου*, de venae cauae acuto morbo a) obseruauit. Sedem morbi primum definire studet eamque in vniuersa vena, quoquo se vergat, quaerendam esse autumat, aliis tamen, vt ipse addit, contradicentibus, qui eam tantum venae partem, quae ad dorsum protendatur, morbo hoc excruciaci contendunt. In hac nempe vena *κέρματα* oriri, ait, sanguinem erumpere copiose et largiter seque diffundere modo per pulmones, modo in imum ventrem deduci, quae si fiant, aegrotum mortem quam citissime contrahi. Aegrotum, pergit, intus summo ardore, ignem acrem et mordacem, *πῦρ δριμύ, δακνώδες* dicit, torqueri et confici, tanto impetu, vt comburi se credat, extus membra modico tepore calere, extrema frigere. Adiungit alia signa, sitim ardentissimam, os siccum, corpus subrubidum, in dextra praecipue parte palpitationem ad ilia vsque procedentem, cutem rugolam et asperam, segni-

a) de causis et signis morborum acutorum libr. II. cap. 8. p. 20. ed. BOERHAAVII.

segnitiem, torporem, tabem, quae corpus conficiat et quae eius generis sunt alia. Esse vero, ait, id morbi genus sic comparatum, ut, qui isto laborantem videat, ardente feбри correptum eum credat, autumnī praesertim tempore magis, quam alio, hunc morbum homines inuadere, iuuenilem aetatem, perinde ac virilem, ei esse obnoxiam, quibus satis virium sit, ut conflictari aliquatenus cum pestifero hoc morbo queant, hos decimo quarto die plerumque succumbere, alios duplo temporis spatio, vigesimo octauo nempe die, enecari. Haec est ARETAEI de singulari morbi genere narratio, quod vtrum ad putridarum an cum inflammatione coniunctarum, an ad aliud febrium genus referendum sit, in praesenti excutere nolumus. Hoc tamen extra omnem dubitationem positum esse videtur, ipsam venae cauae labem eo modo, quo medicus noster eam depinxit, et sic quidem, prout eiusdem signa retulit et monstrauit, et quatenus ipsam morbi sedem in vena caua posuit, hodie, si magni nominis medicis fides habenda, aequè minus reperi, quam aliam, ab HIPPOCRATE *b)* propositam, quae olim ὄσος μεγάλη τῶν Φλεβῶν τῶν κοίλων fuit nuncupata. Sed mittamus vtrumque venae vitium, quod HIPPOCRATES et ARETAEVS homines inuasisse, quisque sua aetate, memoriae prodiderunt. Adferemus

potius

b) libr. de int. off. XVIII.

potius in medium aliud morbi genus, asthma quoddam, πνευμῶδες olim vocatum, de quo nostrae aetatis medicorum haud pauci idem solent adfirmare, pertinere nempe hunc morbum ad antiquatas, si ita loqui fas est, humanae naturae leges, ad corporis vitia, quibus non nisi maiores nostri fuerint vexati. Ac istud quidem πνευμῶδες, τῆ ἀσθματος genus esse, ARETAEVS c) adfirmat, sedem eius in pulmone esse, qui hoc morbo corripiatur, annum viuendi spatium vix conficere posse, si autumno inceperit, verno, aut ad summum aestiuo proximi anni tempore: si hyeme, autumno insequenti mortem instare certissimam. Neque senilem aetatem immunem esse voluisse naturam. Addit medicus noster tristitia huius morbi signa, in quibus aegrotorum spirationem operosam et perquam difficilem ponit, tum arteriarum motus, exiguos quidem, sed infirmos et frequentes, eandem esse anhelitus rationem, molestum aut irritum tussis laborem, quae nihil extrudat, si forte casu quid elidatur, esse globulos albos, qui grandinis magnitudinem haud excedant, vlcera pulmonis nulla, satis tamen humorum concretorum. Celeriter saepius suffocari, quos hic morbus inuadat, prius, quam hoc malum sese per totum corpus diffuderit. Vtrum forte hoc singulare asthmatis genus, cuius descriptionem ARETAEVS nobis

c) libr. I. de causis et signis diuturnorum morborum. cap. 12. p. 41.



viuendi rationem sequi ac victu vilissimo vti solebant, quade re multa apud PORPHYRIVM aliosque. Quo et referenda ducimus, quae SPARTIANVS f) de Didio Iuliano habet: *Saepe, NULLA EXISTENTE RELIGIONE, oleribus leguminibusque contentus, sine carne coenauit*, ex quibus perquam manifeste patet, fuisse olim τὴν τῶν ἐμψύχων ἀποχὴν iis haud inusitatum, qui numini cui-dam se apud romanos aliasque, verorum sacrorum expertes, gentes, deuouerent. Atque ad hanc supersticiosam romanorum consuetudinem respicere videntur, quae seruatoris legatus g) ad romanos olim scripsit: ὅς μὲν πιστεύει φαγεῖν πάντα, ὁ δὲ ἀσθενῶν λάχανα ἐσθίει. Quibus verbis Paulus, romanos ad pristinam concordiam reducturus, argumentum admodum graue ab ipso hoc veterum romanorum ritu petit. Haec enim, nisi nos omnia fallunt, verbis illis voluit significare, quum romani, ad Christianorum sacra traducti, in pristina olim sua religione eos, quibus omnium ἐμψύχων ἀποχὴ placuerit, patienter tulerint; tanto aequius profecto esse, vt idem faciant erga eos, qui non nisi a carnium, legibus Mosâicis vetitarum, vsu abstineant. Ac ad tale quidem religiosorum hominum genus verba illa ARETAEI, quae supra recitauimus, respicere videntur.

SED,

f) eius vita, cap. III. p. 576. script. hist. aug.

g) PAVLLI epist. ad rom. cap. XIIII. 2.

SED, vt redeamus, vnde digressi sumus, ARETAEVS non solus est, qui morbos eiusmodi singulares, aut certe signa morborum, nostra aetate non obuia, litteris consignauit. Idem fere de CAELIO AVRELIANO dicendum esse videtur, ex quo vnicum tantum eius rei exemplum, ne iusto longiores simus, in medium adferemus. Qui recentiorum medicorum de catalepsi obseruationes legerit, easque cum iis, quae CAELIVS noster de hoc morbo notauit *b)*, rite contulerit, dubius profecto relinquitur, aliudne catalepteos genus olim exstiterit, hodie exoletum, an alia viderit medicus, quam quae hodie ad aegrotantium lectos visuntur. Exemplo sint, quae AVRELIANVS de tempore, de modo, de signis deque vniuersa ratione huius morbi posterorum memoriae prodidit. Autumni tempore refert morbum hunc longe, quam alio, esse frequentiore, puerilem imprimis aetatem isto adfici, tum mulieres, praeter has maxime, qui victu et potu intemperantius viuunt, qui porro febris laborauerint, hos saepius in istum morbum incidere, latere quodammodo in ipsa febris semina, vnde morbus iste gignatur et procreetur. Aequae singularia eiusdem morbi signa suppeditat medicus noster. Corpus iacet supinum, collum distentum,

L 3

ser-

b) libr. II. de morbis acutis cap. 10. p. 100. seq. ed. AMMANI,



fermo parum explanatis vocibus praeruptus, multus genarum rubor, sensus languidi et torpentes, palpebrae distantes, oculi immobiles, ad lumen intenti ac defixi, frequentes gemitus et lacrimae. Quum vitae finis instat, moribundi vultus ad risum est compositus, membra ardent et sudant, emergunt maculae rotundae discolorae, ut de aliis mortis signis, huic morbo, ut CAELIVS refert, propriis, taceamus.

MEDICORVM erit, quum haec et alia in veterum libris legerint, solliciti horum morborum naturam peruestigare atque hoc imprimis excutere, vtrum reuera morbi olim exstiterint, quorum vim nostra aetas nunquam adhuc sit experta, an in signorum notatione, eorum nempe, quae vera, quae fallacia sint, discrimine aliquid irrepperit vitii. Pertinet id ad medicorum campum, quorum haud pauci in contrariam quoque partem nostris temporibus noua imbecillitatis humanae specimina reperisse visi sibi sunt, quae in prisci aevi hominibus natura humana aut edere noluit, aut quae, si edidit, veterum medicorum effugerunt sollertiam et obseruandi studium.



VIII.

DE VENAE CAVAE

ACVTO MORBO

APVD

ARETAEVM

1800

DE L'ÉTAT CIVIL

DE LA VILLE DE

PARIS

AN III

DESCRIBIT ARETAEVS a) acutum venae cauae morbum, et sic quidem, id quod verborum *συνάφεια* et omnes rationes ostendunt, vt non de duobus diuersis venae cauae morbis, sed de vnico tantum sermonem esse, luculenter adpareat. Ac hunc quidem morbum hodie sic, vt ARETAEVS eum describit, hoc est, cum iisdem, quae ille obseruauit, signis coniunctum, reperiri, sunt, qui negant, repugnant alii, qui eum *in venae cauae ruptura*, quod vocabulum tamen in latina lingua nullum est, inuenisse sibi videntur. Quod quidem argumentum, a venae cauae fissura ductum, summi MORGAGNII b) auctoritate facillime posset conuelli, si in hac controuersia nostram sententiam magni huius anatomici auctoritate firmare, neque argumentis, ab ipsa morbi natura petitis, decertare, nobis animus esset. Quamquam enim doctissimus vir tot corpora dissecuit, tantoque studio totius corporis humani fabricam quam sollertissime et scrutatus, tantum tamen abest, vt, visa vena caua scissa, omnem in ARETAEI verbis difficultatem tolli posse, crederet, vt

L 5

dubi-

a) libr. II. de caussis et signis morborum acutorum cap. VIII,

b) de sedibus et caussis morborum per anatomen indagatis, epist. XXVI.

dubitanter ea de re pronuntiandum sibi esse, arbitraretur, id quod verba eiusdem: *num vero hunc, an aliam potius bubus venae morbum indicauerit Aretaeus* — quaerere praetermitto, satis superque declarant. Qui hoc potuisset scribere MOR-GAGNIUS, si ille morbus Aretaei tam manifestus, tam expeditus et nostra aetate sic excussus esset, ut tota res nulla amplius egeret dubitatione? Sed mittamus haec et in id potius, utrum morbus iste scissura venae cauae sit, an vero minus, inquiramus. Qui morbum hunc nil aliud nisi disruptam venam cauam esse, sibi persuadent, necessitatem sibi impositam vident, ex hac fissione tanquam ex causa et fonte, omnia mala, quae Aretaeus in morbo suo iunctim adesse, scribit, singulatim deducendi, ac deriuandi, sin vero nequeunt, hoc saltem nobis largiri debent, tristiorum horum effectuum non vnam, sed plures causas subesse, quae itidem, tanquam tot singulares effectus, in primaria aliqua causa fundamentum suum habeant. Si prius elegerint; sat grauib; argumentis, quae demonstrandi vim habeant, suam causam vix ac ne vix quidem defendere ac tueri poterunt, sin vero posterius, ne hac in pugna plane succumbant, non sine iusta causa veremur. Digna profecto ea res est, quae ex vtra-

que

que parte et debita ἀκριβείᾳ excutiatur. Esto, velle quempiam acutum venae cauae morbum in eiusdem fissura ponere, nonne is simul, cum usu et exemplis, tum argumentis, a natura scissae huius venae petitis, ostendat, necesse est, disruptam istam venam efficere in corpore intus summum ardorem, siue, vt Aretaeus ait, ignem acrem et mordacem, extus extremas corporis partes frigere. Demonstret nobis porro, qui fieri possit, vt propter hanc venae corruptionem cutis euadat rugosa et aspera. Regesserit forte aliquis, horum φαινόμενων causam non in ipsa fissura venae cauae, sed in eius inflammatione, quae illam antecesserit, quaerendam esse. Recte quidem, verum iam nobis etiam dicat, cur autumnii tempore magis, quam alio, vena caua in hominibus rumpatur, ac denique, quod caput rei est, quo pacto miseri illi, quibus vena caua dissoluta fuerit, alii decem et quatuor, alii viginti et octo dies vitam ducere ac protrahere queant. Cuncta enim haec in aegrotis suis, qui acuto venae cauae morbo laborauerint, vidisse et obseruasse se, ARETAEVS disertis verbis pronuntiat. Quid vero? si haec omnia aliaque multa mala, quae in aegrotis his obseruauit ARETAEVS noster, neque ad venae cauae fissum, neque ad illius inflammationem tanquam ad vnicam illorum causam



causam reduci possint? Tum profecto nil aliud forte relictum nobis esse videtur, quam vt ex aliis causis deriuandum esse omnium vitiorum talium complexum, fateamur. Id vero si quispiam fecerit, quomodo, quaeso, talis corruptio venae cauae et eiusdem morbus acutus, prout nempe eum ARETAEVS nobis descripsit, pro vna eademque re potest haberi? Id merito demonstrari debere, quis est, qui non agnoscat? Verum et hac in re liberales esse volumus in eos, qui contrariam tuentur sententiam et Aretaei morbum huius pariter ac nostra aetate aequae frequentem esse, sibi persuadent. Id modo eos rogamus, vt ne verbis eorum sine testimoniorum et exemplorum fide assensum praebere cogamur. Testimonia fide dignorum medicorum, qui homines, hoc Aretaei morbo laborantes, viderunt, efflagitamus, cupimus exempla huiusmodi aegrotorum, quales Aretaeus nobis depinxit, et quos sua aetate haud raros fuisse, admodum luculenter declarat. Propter naturae constantiam, ad quam forte quispiam prouocauerit, tot forte hodie, quot Aretaei temporibus exempla haud rara esse possunt? Sed, quod semel liberales nos fore, polliciti sumus, vsque eo progredimur, vt non multa exempla, non tot, quot sua aetate Aretaeus vidit, sed vnicum

cum duntaxat, quod medici huius verbis rite respondeat, nobis, omnium demonstrationum instar, hodie ostendatur.

QVID vero, si quis in his verbis Aretaei, siue potius in descriptione, quam hic medicus de acuto venae cauae morbo dedit, duplex morbi genus videre, sibi videatur, alterum venae cauae fissum, alterum eiusdem inflammationem? Quid si κέσμαλα, quae Aretaeus in vena caua oriri vidit, ponantur in huius scissura, inflammatio vero illa referatur ad iecur, vnde venae illius consequatur erosio? Quam quidem sententiam aliquam veri speciem habere, saltem sic comparatam esse, non negamus, vt difficultates nonnullae, quas in his ARETAEI verbis esse, supra diximus, tolli et remoueri queant. Nihilominus multa quoque in hac sententia insunt, de quibus, vt rite probari et extra omnem dubitationem poni queant, non sine caussa veremur. Nam, quod primo loco animaduertendum ducimus, vnde ARETAEVM de duobus morbis in hoc capite agere, probabitur? Ex verbis eius tantum abest, vt vllum eius rei argumentum peti possit, vt, qui attente auctorem legerit et verborum συνάφειαν expenderit, non de duplici; sed de vnico morbo sermonem esse, modo ab omni partium studio alienus sit, de-

περὶ τὰ γεννητὰ μόρια sunt, a M. Seruilio apud LIVIUM f) dicuntur *tumores inguinum et quidem inueterati*, vnde interpretes medicorum graecorum, si haec κέδμαλα describunt, semper vocabulis χρόνιος, χρονιώερος, de iis vsurpare solent g). Haec περίσσις iam abunde docet, κέδμαλα non posse esse venae cauae scissuram, quumque et hoc accedat, in nullo veterum auctorum hoc vocabulum vel vllum scissurae genus significare, nec vllibi, vbi τῶν κέδμαλων, venae quoque cauae mentionem esse factam, qua veri specie, quamuis minima, talis sententia, quae incognito atque plane inusitato vocabuli significatu aperte nititur, tueri et commendare se possit, nos, hercle, non videmus. Porro et hoc probe notandum est, nullam prope rationem subesse, vnde, Aretaeum de iecoris inflammatione loquutum hancque venae cauae acutum morbum dixisse, apte et, vt par est, demonstrari queat. Nam, etsi iecoris et venae cauae coniunctionem ex corporis humani fabrica nemo ignorat, hac tamen inflammata, absolute necesse esse, vt et haec inflammetur, quis vnquam medicorum hoc adfirmavit? Quae
 si

f) libr. XXXXV. cap. memorato et HESYCHIVM
 39. tom. II. p. 215. edit. AL.
 g) vide SVIDAM loco BERTI.

si vera sunt, sunt vero verissima, quomodo bonus ille et tot annorum decursu probe exercitatus ARETAEVS iecoris vitia cum venae cauae inflammatione confundere potuerit, nos non adsequi, lubentissime fatemur. Quo minus vero culpam venae cauae in iecur transferre potuit talis medicus, qualis ARETAEVS fuit, eo difficilior profecto, nisi nos omnes rationes fallunt, erit dissentientibus responsio, si ab his quaeratur, quo villo pacto, si ARETAEI morbus vitium sit inflammati iecoris, quo, inquam, pacto ARETAEVS noster solam cauam venam, nec simul eodem iure alias arterias, venas et vasa adcusauerit, quae perinde ac vena caua, si haec ex iecore inflammatur, simul cum isto propter eandem consociationem inflammari debent? Dicat igitur iam nobis aliquis causam, cur de venae cauae, nec simul de arteriae hepaticae, deque venae portae acuto morbo scripserit Aretaeus? Cur vni venarum generi hoc tribuit, quod pluribus aut iunctim, aut separatim tribuere debuisset, si sedes morbi, quem descripsit, in iecore foret quaerenda? Neque vero in nostra disquisitione et hoc omitti debet, secundum ipsum BOERHAVIUM *b)* vitio illo iecoris non totam venam cauam, sed extremos tantummodo


eius

b) aphorism. 941.

eius fines, qui iecur attingunt, adfici. Quae quum ita sint, quis mente concipere potest, ARETAEVM potuisse aliquid tribuere venae cauae, quod minimam tantum illius partem adficit, ac simul prorsus tacere de ipso iecore inflammato, de aliis venis et arteriis, quae, illo inflammato, haud secus ac extremi venae cauae fines, vt inflammentur, necesse est? Qui potuit hoc ARETAEVS, qui iecoris vitia tam probe cognita habuit, vt integrum caput, septimum nempe huius libri, iis excutiendis consecraret? Qui, inquam, potuit hoc facere acutissimus morborum sedis scrutator, qui ab ipsis aduersariis tantopere a summa in obseruando *ἀνέπειρα* laudari alias et commendari solet? Tandem, si venae cauae acutus morbus in arrosis illius finibus est quaerendus, inflammatio, vtpote huius corruptionis caussa, aut a venae cauae ramulis, qui per iecur sparsi sunt, incipit, seque ad primordia ipsius venae, quae iecori adiacent, extendit, aut in eo loco iecoris initium habet, quem extrema venae cauae pars, siue primordia illa attingunt. Hoc inflammationis genus, quoniam in vniuersa iecoris superficie ad vnicum tantum locum adstrictum est, non nisi raro potest contingere, illud vero longe debet esse frequentius, quoniam

M

ramu-



ramuli, quacumque demum parte iecur inflammetur, etiam possunt inflammari. Quae quum ita sint, duplex iam oritur quaestio, altera, quomodo Aretaeus inflammatos ramulos illos acutum venae cauae morbum dicere potuerit, quum tamen nusquam apud veteres medicos, neque apud ipsum Aretaeum, ramulis his nomen venae cauae fuerit adsignatum, altera, qua ratione Aretaeus posterius inflammationis genus pro satis frequenti venditare; de priori vero, per rei naturam longe frequentiori, prorsus filere potuerit.

At enim natura semper sibi par, semper constans, leges suas nunquam mutat, a rerum primordiis vsque ad hoc tempus illis conuenienter congruenterque agit? Qui igitur videre potuisset Aretaeus quidpiam ad aegrotantium lectos, quod nondum viderint nostrae aetatis medici? Qui exsistere potuisset eius tempore morbi genus hodie insolens et incognitum? Sunt forsitan, quibus eiusmodi ratiocinii genus haud plane displiceat. Absit, vt naturae inconstantiam exprobrems et mutabilitatem, vt in hac rerum vniuersitate ipsa natura eiusque legibus nil firmitus, nil constantius reperiri posse statuamus. Verum et hoc simul acriter




plane incognitos, quis e contrario alios, quibus hodie mortalium genus affligi ex-cruciarique videmus, quorum tamen ne vllum quidem apud maiores nostros adhuc licuit reperire vestigium? Illud illustri exemplo, a Persarum corporis habitu petito, apud XENOPHONTEM ¹⁾, hoc variolis, morbillis ac purpura, tum morbo gallico possemus confirmare, si in re satis explorata diutius haerere animus esset. Illud tantum monemus, qui idcirco naturae inconstantiam adcusare se posse, opinetur, fore prope neminem.

1) κύριον παιδ. cap. II. 16.







I 1521-

Med. Early

dA
rue

14-400

